

渝志 7

地360.65
42
印=102

德江縣志



德江縣志

吳鼎昌書

德江縣志

卷一

德江啟明石印局印

德江縣志序

德江以古水德江而名，明季曆時，政司設曰... 氏如政之，名善紀久，意亦不忘。惟... 年，文獻有徵，謙以才之，缺點別... 或國軍立政，法整然，革彰物志，尤不可... 缺余亦，或庚辰，友擢，籍家視，後訪可... 奇此伍，潛錢德，有物在任時，先後設館... 時志均，未告來日，久遂一，不丁可去，冬乃... 屬王，又少，該集眾策議，部步，竣，延... 茶，靜山，田，葆，初，王，純，之，世，紳，入，館，取，先，筆

德江縣志

卷一

序

德江縣志石印局印

蔡樾善先生誌善也，理志為本，易以在，所... 存稿，斟酌，損益，約為八篇，備詳，而叙實，并... 之，焉，條，善，也，理，以，見，古，之，治，革，演，治，理，也... 善，運，一，直，以，見，設，備，之，完，整，表，規，制，之，善，相... 禮，以，見，典，禮，之，修，隆，言，師，表，之，善，而，賦，以，宗... 收，入，之，多，人，一，身，被，國，用，也，善，官，師，以，後，修，政... 之，以，善，官，取，善，也，善，人，物，以，見，善，澤，之，涵... 濡，表，德，實，也，善，志，孔，考，孔，源，也，善，雜，記... 補，載，也，也，代，誌，輯，述，也，善，司，疆，域，也，善，梁，學... 校，場，市，風，俗，物，產，誌，大，端，靡，不，畢，備，暨

三五味畢和可以悅口五音畢陳可以悅耳
五方風土文物之修備可以觀治古於土者
得政考鏡由是準天時與地氣此士宗
變民風因地利而宜化民成俗政教之修
是亦在志詳載綜計是編之成可經
任福強如易卒乃世天子明古之昔之所
政刑繁去之彙集散為整身為現時之
準繩意備將來之嚆矢為功良祀易之蘇
明付梓此天子一序也余之可先正時
有言貫之治式率乎國體惟是而已

德江縣志

卷一

序

德江啟明石印局印

神而明之則存乎聖人者也余何足哉余
躬膺斯任幸見是書之告成謹為紀
始末

中華民國三十一年五月

江陰張禮綱撰

德江县志序

述往事里來此志乘訪由他德江縣志經三修而告成在後事其明事蹟熟學子知為治亂之鑑也僅文獻而已哉至德任公讀修愧未能卒卒今張公毅然疏了厥而不朽多其日靜山純之襟襟諸大老入館言編仁壽之序是可法矣述德以言欣為之序
時在民國廿五年九月 德南錢文蔚書

德江縣志

主修

原任德江縣長繼任餘慶縣長伍 震貴州貴陽人

原任德江縣長繼任安南大定縣長錢文蔚貴州清鎮人

現任德江縣縣長張禮綱江蘇江陰人

鑒訂

現任德江縣田賦管理處副處長黃哲文湖南沅陵人

現任德江縣政府秘書焦廣華江蘇邳縣人

德江縣志

卷一

德江啟明石印局印

纂修

清恩貢湖南試用直隸州州判黎民怡

貢

生田廣心

增

生王三捷

繪製地圖補撰山脈河流

金幼琦

分校

張鴻勳清生員原任長張鍾愈歷任本縣三科長

何用卿歷任本縣督學安南楊光澤歷任煎茶桐

採訪

牟漢卿清江浦人 董紹舒 安良 楊超華 張著堯

梅聖天 黎純儒

監修

德江縣地方財務委員會主任委員王少孩

德江縣商會主席楊質夫

德江縣志目錄

地理志

建置志

祠祀志

田賦志

官師志

人物志

德江遷治今將六十年矣而志乘久闕非所以資治理而厲風教茲僅參攷府志分門叙述星野從略以稽沿革奠山川則地理重焉以定變遷存規制則建置重焉以屏異端崇典禮則祠

德江縣志


卷二

目錄

德江啟明石印局印

祀重焉以裕邦國詳則壤則貢賦重焉以昭職守別賢能則官師重焉以紀優異示勸勉則人物重焉謹依編次所列曰地理志曰建置志曰祠祀志曰田賦志曰官師志曰人物志凡六篇

德江縣(舊老縣)疆域沿革圖



德江縣地圖



德江縣志卷之一

地理志第一

縣治沿革

德江原為水德江為首為荆梁二州南徼外地

按德境山川不志為首而審察地勢在荆梁二州之南當為荆梁南徼外地

戰國屬楚

按國策蘇秦曰楚天下之強國也西有黔中巫郡東有夏州海陽南有洞庭蒼梧北有涇塞郢陽地方五千里此霸王之資也淮南子曰楚地南卷沅湘北遠潁泗西包巴蜀東襄郢楚以此四至雅之縣地適在其中則戰國時當屬楚

秦屬黔中郡

按史記秦昭襄王二十七年使司馬錯因蜀攻楚拔之華陽國志涪陵郡下云涪水本與楚商於之地接秦將司馬錯由

德江縣志卷一 地理 一 德江啟明石印局印

之取楚而於地為黔中郡而涪水在縣境名德江上流為烏江即漢之延江也彼時未設武陵郡而黔中郡而黔中疆域廣大貴州地多在其中心德江原為楚地又居涪水上流由涪水泛舟而上可以直達縣境度其形勢與華陽志之說合則縣地應屬黔中郡

漢屬涪陵郡

德江縣地有謂漢屬牂柯者通鑑貞觀四年置貴州胡三省注貴州為漢牂柯地是也考貴州治所在今縣境距城七十餘里其山川形勢與漢書地志所言牂柯各縣無相合者遵義府志有牂柯十之七縣問答篇以水定地以地證古反覆辨論不厭其詳今之德江縣地無尺寸入於牂柯較以胡三省注孰得其先不待智者而知也則謂德江縣屬牂柯者誤也凡有謂漢屬武陵者貴州通志思南府志是也考漢志地理志凡有山水之域必舉山水以標幟故沅水無水雖小地理道而延江為貴州巨流經思南德江涪水數百里如德江屬武陵何以武陵不及十三縣內不及德江涪水為可據華陽志江為漢屬武陵不足恃也惟以漢屬涪陵為可據華陽志涪陵下云涪陵為已之南都郡有涪水與楚商於之地接其境

東接巴東西接梓潼南接武陵北接巴郡其地山險水濶人多難勇據此四至適與思南德江北縣境相合而水道亦同其可證者一也後漢郡國志涪陵下云獻帝分涪陵地立永寧太平寰宇記云三國時蜀先主於五溪置黔安郡改永寧為萬寧又引晉地記云萬寧縣在涪陵南九百里即今貴州據此則德江在漢為萬寧縣地確屬涪陵南九百里即今貴州據此江可通所言水道九百里亦復相符其可證者二也且德江縣境有延江貫注其中而延江一名涪陵江一名巴江一名德江太平寰宇記一其名黔江一名涪江一名德江一名巴江一名德江為最由德江以至於涪陵可通舟楫也以此證彼所以謂漢涪陵也

晉屬涪陵郡

按晉書地理志涪陵郡統縣五曰漢復曰涪陵曰漢平曰漢渡曰萬寧而萬寧即費州一注見前一費州即德江是德江之地在晉仍屬涪陵也但自李雄據蜀而後涪陵等縣未幾沒於符堅又沒於趙繼主者無常則邊鄙之雄桀者當亦各

德江縣志

卷一

地理

二德江啟明石印局印

據一方視國家之威力以為歸附耳

周為費州

北周宣政元年為陳宣帝大建十年北周始招慰生獠立費州治涪川亦曰涪川郡隋初屬清江郡治施州通考費州下云古蠻夷之國山川險阻為獠所居後周始置為費州大唐初屬務州貞觀初復置費州或為涪川郡大抵費州一地隋以之屬清江郡唐初屬務州耳

隋開皇五年置涪川縣屬黔州大業三年改黔安郡元和志

以涪川縣屬黔安

按涪川即延江而方輿紀要稱北周之費州治涪川則涪川實為德江舊地也

唐高祖武德三年置思王縣屬思州

按通典云思王為安化縣地

武德四年以隋巴東郡之務川縣及扶陽縣置務州析務川為涪川縣貞觀四年開南蠻地置費州

通鑑注曰費州涪川郡隋黔安郡之涪川縣地是年分思州之涪川扶陽並開南蠻置宋白曰因州界費水而名通考曰或為涪川郡領涪川多田扶陽城樂四縣宋無此州

貞觀六年以城樂縣隸費州八年改多田縣屬費州府志十一年

省費州屬縣惟領務川思王寧夷三縣 天寶初改費州為涪

川郡 乾元初復名費州府志

元宗先天二年罷播州都督府復以黔中為都督府思費等州

屬之元和憲宗元和二年詔思費夷播漆錦獎叙八州皆隸黔

中採訪使唐地志

德江縣志 卷一 地理 三 德江啟明石印局印

先是開元二十一年置黔中採訪使治黔中故元和中以八州屬之而黔中一名則自隋以來已有之如開皇二年田宗顯為黔中太守是也然隋唐之黔中與秦之黔中同名而異地焉貢錐指曰秦黔中郡在辰州西面二十里漢改黔中為武陵郡移理義陽令辰州淑浦縣是而辰州淑浦漢朗施等州實秦漢黔中之地也今之黔中則西有延江自牂牁北歷播費思黔等州北通岷江與黔州為郡唐武德初改郡為州以為一地誤甚北通岷江與黔州為郡唐武德初改郡為州太守為刺史天下初定多係權置州縣太宗元年始命併省又因山川形勢分天下為十道其邊鎮及襟帶之地置總管府以鎮軍戎七年改總管府為都督府又或邊境置節度經畧觀察採訪等使殊無常例天寶初改州為郡刺史為太守晉天福五年祥柯張萬濟率夷思播費等七州皆附於楚王馬

希範五代史

按宋史蠻夷傳曰唐不之亂蠻首分據其地自署為刺史遵義鄭氏曰想自僭昭而後舊時黔中採訪使管內諸州所在大抵如是宋朝但據夷人所指以置縣

宋初以思費等州為羈縻州隸黔州續通夷思播費并元社

為化外州元豐九

鄭氏曰元豐志於化外州中雙州路亦列夷思播費等州其
即名領縣與唐代同知此諸州自入宋以後仍舊版圖歸
州管轄然實苗自為雄長部曲亦各分居自相統領朝廷
知為唐舊地虛存隸黔之籍時時存問之耳不可與各路州
縣論也

太平興國五年獎叙錦費等州皆來貢宋史仁宗嘉祐五年獎叙

播錦費州來綱八年改黔州為紹慶府所領羈縻之州凡五十

六思州領縣四費州領縣四並遣牙校治事播州領以酋長屬

四川夔州路考通

按思州費州地界毗連同係羈縻之域自神宗後不聞有費
州事想其時思州田氏權勢日盛當以費州之地併入思州

德江縣志

卷一

地理

四一德江啟明石印局印

耳宋史言五代以來諸洞驕恣獨思州田氏奉法醇謹保定
善部觀後之思州統屬安化印江藝川等地可知已

徽宗宣和四年廢思州併入彭水縣隸黔州以務川縣為務川

城印水安夷二縣皆為堡續通政和七年番部長田祐恭內附

復建思州仍領務川印水安夷三縣考通

高宗紹興二年復思州

按建炎二年調思州田氏討劇賊王闢是未復思州以前仍
名思州不過朝無命官任田氏自為政治而已

元世祖十四年思州長田謹賢與播州長楊邦憲相繼送款俱

授安撫司尋改安撫司田氏為宣撫司治龍泉坪置水特姜思

印江二長官司及務川縣隸之貴州通志十八年改思州宣撫司為

宣慰司兼管內安撫司府志

至元二十一年以思播二州隸順元路貴州通志

按續通志方三夔州路之施黔思播等州元以其地分隸四川
湖廣等處惟溪洞諸蠻別立二安撫司以統之二十年討平
九溪十八洞以其酋長之可官者大者為州小者為縣立總
管府總管即安撫也據此可以知其強大之由也順元路者
羅施鬼國之易名也今大定威寧縣西平遠軍節噴其故地

至正二十二年田謹賢仲子之孫茂安為鎮遠州知州始分據

其地以降僑夏明王珍置思南都元帥府即前府治

按此為思南思州分治之始德江縣地屬之

明太祖洪武十年以沿邊溪洞軍民萬戶總管安輝內村分水特委司地置蠻夷長官司以安氏世其職貴州通志改偏水長官司陸公闕為土巡檢世職

德江縣志 卷一 地理 五 德江啟明石印局印

按蠻夷司與土巡檢皆德江所屬巡檢署在今縣西一百三十里地名巡檢司西有花水為沃饒地

二十八年改水特委司為水德江司以黔南道鎮 將軍張應隆為正長官

成祖永樂十一年革思南思州二宣慰司析置府改思南宣慰司辦事長官楊朝海為水德江副長官世職

按思南宣慰司由仁智死子大雄襲傳至其後宗繼與思州
宣慰司相爭砂阮有隙為琛侵虐不已訴之朝上遣鎮遠侯
顧成發兵執琛至京錮之尋以宗鼎懷怨并訟其祖母下於
理遂廢兩宣慰而以三十九長官地置府縣設貴州布政使
司理之使為將廷瓚貴十二年分其地為八府曰思南曰思
州曰石阡曰鎮遠曰銅仁曰黎平曰烏羅曰新化十八年省烏

羅入銅仁省新化入黎平

萬曆二十三年除水德江司為安化縣隸思南府治所附府南

清代因之隸貴州古州道光緒八年遷移縣治於大堡即今治

民國二年改安化縣為德江縣隸貴州鎮遠道九年裁道

二十四年貴州分建十一行政督察區德江隸第六區署駐思
南翌年縮編為八區德江仍隸第六區署駐銅仁署
縮編為五區德江改隸第五區署駐遵義

疆域沿革 附沿革圖
自設安化縣後縣治附府城其疆界正東四十里與印江縣分
界正西二百里至羅蘭高越龍泉與湄潭縣分界正南六十里

德江縣志 卷一 六 德江啟明石印局印

與府屬水淹堤分界正北三百四十里至毛家渡與四川酉陽
屬龔灘分界東南一百八十里與石阡屬平地場分界西南四
十里與府屬許家堤分界東北一百八十里至平洞口與松桃
屬烏羅司分界西北一百八十里與湄潭縣屬蘇羊場分界治
內轄水村德江甕濟四圍四十甲所轄墟市分列於下

東路墟市 天堂哨 刀堤場 沙堤場 武官堤 安福堤
來安營 平洞口

南路墟市 邵家橋 塘頭 天生橋 大堤場 洋溪
西路墟市 鸚鵡溪 張家寨 寬平 合朋 煎茶溪

欄杆子 後堤 岩口場

北路墟市 潮砥 牛渡灘 大堡即洽宛 平 十字路
隆興場 乾溪 方家寨 舊香垵 細沙溪 思渠
廟頭 黃土坎 廟下寺 紅絲塘 黃草坪 洗插了
毛家渡 樂居 焦窩垵

以上共轄四十墟市東西廣五百餘里南北袤五百餘里
所屬各地多為大片段惟與各縣華離既脫極不圓整

縣治遷移大堡後民國三年實行劃撥插花凡本縣四至華離
寫透之地皆已撥出而隣縣應撥入本縣者則多未履行計原
有四十墟市撥出者二十有五所留者僅十有五以致四境偏
窄疆域削小民三十年 省政府整理第五行政督察區各縣

德江縣志 卷一 地理 七 德江啟明石印局印

行政區域裁廢后坪縣以分併沿河婺川由沿河婺川遞撥地
段與德江德江遞撥地段與思南其奉頒方案內容摘錄如次

一德江與沿河 實施方案內分改革與調整兩部份

改革方案係此次裁廢后坪縣規定德江與沿河改革界線即
自興溪河口對岸起沿天然山脈經毛田坪向東南行沿山脊
至土門文印江原界為沿德新界線所有烏江河流以東及界
線以南之礁家鋪夾石楓香溪等地均改隸德江而界線以北
仍歸沿河

調整方案係以省府二十七年擬定之整理計劃草案為原則
內德沿邊界即由毛家垵迤西龍洞溝及迤東邱家寨之線直

山脉橫斷河流并由龍洞溝岩口山脉直下黎家池為兩屬天然界限所有山脉以南沿屬之毛家堤楓香溪楓香鋪龍塘楊井坪徐家岩黎家池客店冷家山等處應改隸德江而山脉以北仍歸沿河

再德江所屬之舊香堤早隸沿河應無庸議但泉口寺一帶銀甲溪馬蜡溪青岡了乍茨面水車堤黃坑堤中僚芳龍園學堂頭官村觀音堂苦練坪五包頭白果樹欄客寨練溪海岩頭堤下房溝沙坡各小地名應一律撥歸德江方免遺漏至沿河甌脫德屬之四田堤西流水瑤池堤等處應改隸德江而德屬甌脫沿屬之三角岩石登頭上下龍塘等處亦應改隸沿河

一德江與婺川 以婺川南區冷水蓋之岩簷沿過德江西區九嶺岡綿互山脉以豐樂河逆流至再渡灘為界線所有婺屬汪家堤彭家寨黃家堡盛堤九條溪六井堤環料長安堤卜頭坪黃土坎大連山楊家壩雨壇堡廟堤高井溝玉村堤及德婺共管之新田頭等地均應撥隸德江管轄其整理婺川縣區域意見書末云婺川面積為二、三〇〇方公里與德江面積二、一四七方公里比較相差有限雖由婺撥數地與德仍不致影響兩縣縣治問題蓋德江仍須遞撥地段與鄰封指寬平亭子堤等處思南在德亦無所增益云云

一德江與思南 以思屬之東華溪起沿山經過獅子岩香

爐山轎子頂之綿互山脈為思德兩屬界線所有寬平亭子堤等處仍由思南管轄

一德江與印江 以大羅堤河為德印兩屬界線所有河西印屬之袁家灣上堤細沙溪等處應改隸德江

一德江與鳳岡 鳳屬脫入德屬之高席子水田坎等處應即改隸德江以成片段

自奉方案後呈請

上峯派員並通知鄰縣各派代表親臨會勘劃撥如左

甲印江方面

三十二年十二月十一日經第一區專署委員劉顯光會同德江代表熊廣華等依照方案

勘劃商訂協訂書

德江縣志

卷一

地理

九 德江啟明石印向印

勘劃界線

東以大羅堤西面之冷水河

即大羅河亦名椴香溪河北自甘

家屋基南面溝口起南至大安橋外面兩河口止為印德兩縣

天然界線所有冷水河以西印江河即小溪河以北原屬印江之廖

家堤上堤一元堤袁家灣水吞牛細沙溪安牙鋪等一帶地區

完全撥歸德江管轄

乙婺川方面

三十一年五月二十八日經第五區專署委員李駿周會同德江縣長張禮綱代表王少階等

依照方案勘劃議訂協訂書

一雨壇堡 依其後之白土坎沿大山嶺接德江原界為天然

界線所有界線以東婺屬雨壇堡雷家堡劉家寨墳岡上等一

帶土地撥交德江接收管轄

2. 大連山區 該地為婺川縣脫德江地區約有一保面積土地照案撥交德江

3. 黃家堡區 此區為婺屬石槽水聯保之一部依三十年九月十五日至二十七日婺德兩縣尹小乙焦廣華等遵照方案會勘確定北自冷水蓋後面華山岡北接德江原屬高營南沿小堤連岡冷水岩野鹿啣花雙叉坳杉刀嶺大茅坡長嶺子大帽山綿亘山脈南接德江原屬九嶺岡為劃撥區天然新界線所有新界線以東婺屬原石槽水聯保所屬橫料斜岩汪家大坪九條溪石板溪黃家堡彭家寨汪家堤陳家寨冷水岩李家壩冷水蓋等計完全五保面積土地照案移交德江接管

德江縣志 卷一 地理 十 德江啟明石印局印

丙沿河方面

1. 泉口司部份 三十年十二月二十五日經德江代表 李子廉等依照方案勘劃議訂協訂書

勘劃界線 由泉口寺河口東面自南客寨白果樹之東面山脚起北上獅子岩經洗脚溪橋直上仙人脚板沿山脈包括水車堤黃院堤抵大面坡一碗水梁子交婺川縣界為止東南自南客寨對山之乾溪溝直向南方山脈包括漆樹平至德江原界為止西南以沿婺兩縣原有縣界為界界以內撥歸德江管轄

2. 楓香溪部份 三十一年六月一日經第五區專署委員李駿訂協訂書 德江代表 相繼唐等依照方案勘劃議

勘劃界線

1.沿河撥歸德江楓香溪沱池堤等地東自印江縣界起沿邱家寨綿亘山北至舊岩門直下經毛家堤至轉柏樹過河沿長安嶺城牆頂一列山頂上至打池溝上游再上達青担岩西南行至豬轉口下沿小牛鼻子直下黃泥泉接楊家溪入后溪河西至烏江為天然界線南面與西方接德江由印江新撥入地區及原來邊界所有上列範圍以內之毛家丁家灣唐家灣大灣龍洞溝核桃灣院子楓香舖對香楓香溪絲毛堤甘家龍塘徐家岩楊井平黎家池萬溪潘家山秀田堤西流水黑溪馬閑溪大澤頭琉璃堤即泥堤紅坳牟家等地完全撥歸德江管轄

德江縣志

卷一

地理

十一 德江啟明石印局印

2.烏江河西德沿兩屬調整新界自無溪河入烏江口溯流而上自北岸黃米起沿山脊向北抵小青口滲溪溝德沿舊界止(鐘山仍屬德江)為兩屬新界線所有界線以東無溪河以北德江原屬之竹根堤紅岩陳家溝渡塘等處改隸沿河而界線以西之小青口仍歸德江

3.德屬甌脫沿境之石登頭山羊嶺許家山三角岩后堤陳家大頂龍塘等地完全撥歸沿河管轄

丁鳳岡與南方照方案辦理具報結束

附註 實施方案內分改革與調整兩部份本行政區共

有十三縣德江與后坪沿河婺川屬改革部份其

他各縣屬調整部份原擬今改革調整一併實施
見第三章
實施程序旋因沿河呈請先劃調整部份級劃改
革部份故此本縣與沿河即係依照調整草案
之規定辦理尚有烏江河東自無溪河口對岸起
交印江界改革界線以南之熊家舖夾石等地及
泉口寺區改革界線以內之白羊平大根渠等地
詳有頒發德江
縣行政區域圖留為緩撥與安川則有由岷樂河逆
流至丹渡灘以東之廟坪新田頭等地留為緩撥
又泉口寺區調整界內尚有中條五包頭線溪溝
數地沿河漏未撥交德江并舉註明

德江縣志 卷一 地理 十一 德江款明台甲

現在疆域及位置附地圖

德江縣潯在東經一百零八度十八分北緯二十八度十分位
於貴州全省之東北部東部跨烏江界連印江治城相距百二十里南隣
思南治城相距百二十里西南接鳳岡治城相距百二十里西北隣婺川治城相距百二十里
東北接沿河治城相距百六十里現轄二十聯保一百八十三保縣府設
玉溪鎮東距京師四千餘里西距省垣六百八十里里即華里
面積 全縣約二千一百六十方公里
人口 民國三十一年調整縣行政區域後計有二萬五千二
百三十一戶十四萬一千三百七十二人

地勢 本縣地勢東西兩境大山縱列中部有木亞寺山羊子

林諸山盤結境內各山脈皆作西南至東北走向而中西各山脈間自貓蹄丫橫過岩口場平陽石重蓋煎茶溪新場合朋等地東接木壘寺山南接香爐山成一高地帶中邵城區較低西南角邊地最低東部烏江河流最低故水之在西南者向西南流折東注入烏江在中部北部者向東北流注烏江在東部者向西流注烏江烏江海拔約一千公尺至正源後海約一千五百餘公尺西岸木壘寺香爐山貓蹄丫細沙溪各高山拔海一千七八百公尺煎茶高地帶拔海一千五百公尺而山之高過四境崇山峻嶺惟城區頗覺平曠西山環拱玉水滌潤十里莊村田疇十頃至若烏江河流縱貫東北遵松公路橫過西南則又山煎茶為縣內主要陸道四建築公路經縣城至沿河平陽街

德江縣志 卷一 地理 十三

接川湘公路向東至城一蓋亦水陸扼要之區也

氣候 縣境氣候適宜城區溫度大約夏季最高為華氏九十度冬季最低為華氏三十二度兩山高地大有差異西北極山高地入冬雲霧彌漫積雪甚久農耕只有一熟

山脈 本縣山脈在烏江東岸者屬武陵山系自思南入境在烏江西岸者屬婁山系自鳳岡入境分述如下

烏江東岸山脈

楓香溪山脈 此山脈自思南入境至漸低東南二十里之關口槽以北火燒岩在縣界為小溪河流壅斷對岸自安牙鋪起經袁家灣楓香溪至蓮家鋪地勢漸高成高山平原縱長百餘

里橫約十餘里向東北斜行直如繩墨兩緣山勢隆起平行中
隔有河即楓香 洪家舖以下為沿馬此山兩面皆斷層峭壁自
下視之屹然如堵六井溪在其東麓向西南流匯印江西入烏
江為在其西麓向東北流與山相猥傍本境巖脚至烏江相距
十餘里或二十餘里

烏江西岸山脈

一、貓貓丁山脈 此山脈由鳳岡東境東北迤經洪關垌貓
貓丁敵木鼓抵豐樂河上游之馬道河南岸為德鳳兩屬天然
界山貓貓丁距縣城九十里為杉原通鳳屬蘇羊場要隘

二、天畷寺山脈 此山脈同起鳳岡高地自梅子坳通松公路入

德江縣志 卷一 地理 十四

縣境至岩門山為沙灘河流擊斷對岸自堯山坡起東北迤經
高席子至馬家梁子在杉原而為二馬家梁子東有一橫山分
水嶺南為明溪北水左支經風門丁徑趨天畷寺抵楊柳頭為豐

樂河河流擊斷河西入筭境風門丁杉原至天西側分支至岩

口場杉原至新向南包杉原為杉原負山天畷寺距縣城八十里

天畷寺山勢峭拔後道盤曲筭川知縣俞汝本詩青山為似削
芙蓉棧道盤空又幾重石柱擎天星可掛松龕棲壑霧常封到
門人已同疲馬入寺潭波隱藝龍草
草僧房謀一宿齋食又聽瓦更鐘

三、細沙溪山脈 此山脈為天畷寺山脈右支自馬家梁子

分岐接平陽蓋起和尚林山由此東北迤經石重蓋起山夫帽
山石重蓋為前茶通關于子安道山頂巨石重疊中錫二大字
山列似懸梯寺法供國將軍陶朗然山半重華寺樹木葱茏環

山尖帽東側分支向南包偏岩子為鏡子嶺止興隆入煎
茶高地帶正幹自山尖帽至大連山西側復分支自劉家山向
北抵五龍口介宿雞河與開子河之間而正幹仍由大連山
徑趨東北大連山之梯子岩為縣城至開子要道經三合場至滴水山勢極高頂
勢忽然分展南起滴水北至羊角腦縱五十里橫數里或十數
里兩面斷岩峭壁上為高山平原入頂處中陷為坨細沙溪場
市在焉自細沙溪循山頂至四堡場德杉板柵麻池以石礮水
為諸地兩緣山巒起伏中陷為谷亦如楓香溪山勢然惟山頂
諸水則隨出隨消東面岩簷自開水岩直至石礮水折向西北
有白岩形似野鹿銜花在石礮水岩口割壁之上西面岩簷自

大岩稍折向北與東面岩簷并行至羊角腦而合細沙溪為德
婆通道而此山上下六十餘里形如屋脊兩面分支垂嶺勢若
建瓴其支脈之大者東有一自九里岡一稱九嶺岡分支向黃龍坪
分水了即甘溪抵馬蹄溪玉溪與角口河之間與對山遙遙相應
蓋為二流所冲陷一自石礮水岩口分支至乾溪接鷹嘴岩山
脈橫連兩大山宛如門限黑鉛溪楊山河勞溝溪諸水皆至乾
溪此山伏流而出鷹嘴岩下西有橋岩貓鼻子夏家山諸支嶺
而以羊角腦分支下抵老官坪土相了為德婆分界二山之正
幹自羊角腦為復旋向東北西俯沙子背東包冷草院經割水
為德婆平至廟頭為大和林梁子再前為岩門上溪再前為大

白坡德以上一阮水梁子驪以下由沿婆邊境至洪渡河抵烏江
西岸大和村梁子東側由廟頭分支至雪花蓋班頭坡為前北
分水嶺大而城東側復分支由仙人脚板丫口場至梁子岩松
泉口寺東面之馬路河此洪泉口寺由沿接德誠定自仰子石
此洪泉口寺由沿接德誠定自仰子石仙人脚板抵大面坡為
前北羊角脂以下進遷於德婆邊界廟頭以下岡巒複疊上為小道
下臨深塹山之陡絕險峻莫過於此此山脈綿亘本縣西北境
內及邊界長二百里

四、鷹嘴岩山脈 此山脈起於乾溪彌綸寺山頂石台有魏
匪胡黑二住家
遺之鷹嘴岩名安如在城北五十里東北進經譚家山德
屬七格
底抵司渠活止於烏江西岸長百餘里

德江縣志 卷一 十六 德江啟明石印印

五、十二盤山脈 此山在城北七十里德沿邊界為杉原頭
即山牛角水之負山山半頭至土地地關隘東面分支為雞冠
山西面折向東北與鷹嘴岩山脈平行入沿境在乾洞溝北有
馬鬃嶺橫連兩山成南北分水嶺亦德沿交界處

六、香爐山山脈 此山在城南六十里東北支為冷板垣山
接煎茶高地帶冷板垣境若壁立公路由山半巔若石通過工
程以依慶泗雪天題詩云自昔人稱蜀道難於
上青天更難於上冷板垣東面分支為冷板垣山
北支西旋為轎子頂青杠坡止於冒水河南支伸入寬平之三
合場等處其山脈出入於德邊境

七、木垵寺山脈 縣境中部以木垵寺山為主山在城南四十

里四面分支如序翼然(里人建有一寺於上故名)北支經大穴場即縣城東打磨垣起羊子林高山復由此分支盤結縣境中部縣城屏嶺及穩平周環諸山皆其分支屏嶺積巒磅礴西麓綴連數小山有三山形如繫珠(鍾山大圍山小圍山)縣城市街即環列山下枕臨玉溪

八縣城西南有十二盤山十二盤之黃家壩在城西十餘里寬平縱長約十里相傳明四宣慰使平苗駐節其地清季魏匪胡黑二亦紮營其上今有石卡石院遺跡又小壩在城西五里胡黑二嘯聚於此十餘年五仙山在城南二十里山麓龍泉中有石穴為渠壘控胡處及煎茶溪之倉廩山此山積體高厚山麓多水南北分流市民詠揚光吹散午晴天獨步荒郊意灑然百里溪山供健筆雨湖風月待歸船春殘鳥戀蕙紅樹雨足人耕廢綠田小憩游踪山

德江縣志 卷一 地理 十七 德江攸明石印白印

寺裡鬚絲禪榻看茶煙 山勢若斷若續仍與各大山脈成一走向在中部高地帶顯為東西兩大山脈之連繫其他皆分支小嶺無狀足述從畧

河流 縣境位居烏江流域以烏江為第一大川其次有玉溪松溪小溪楓香溪角口河后溪河泉口寺河官渠河即豐河東華溪等皆流注烏江分述如下

一烏江 烏江即漢之延江為本省主川源出威寧東流經水城納雍即普定織金平壩清鎮黔西修文息烽金沙遵義開陽甯安餘慶鳳岡石阡思南各縣蜿蜒向東北流入縣境縱貫本縣東北境內自思南城以南下名曰德江入境處左納埋鞋溪

水海編 麻為本縣與思南交界處埋鞋溪以下為潮砥灘亂石

橫江激浪洶湧舟行上下皆必停泊潮砥鎮即在灘下灘前巨

邑人曰秋鑄有黔中砥柱四字於壁知縣朱奕昭請海上潮從

海底生此間潮砥標名排空雪浪兼天湧逐日雷車振地驚

由來有本原如是濤濤川流萬古情潮砥下里許有小溪為印

江源出東來注之十餘里有費溪一編備溪東來注之至長堡旋西

納平渡灘獨油溪西來之水復向東北西納整溪水東納中溪

乾溪至紅均伏流之水而至新灘此灘險不及潮砥灘長過之

并行至此亦必停泊清咸豐八年八月十四灘下數里有后溪河

上麻為棒家河自東南來注之為東岸德沿調整新界以下十餘里至

夾石為德江通沿納三道河復旋向西北經孤懶灘可通至望牌

德江縣志 卷一 地理 十八 德江設明石印局印

為德江水陸有玉溪匯諸小河西來注之由望牌復折向東北

入沿河縣境蜿蜒出四川界至涪陵縣城東北銅柱灘入大江

計在本縣境界流長約及百里可通航大小木船惟新灘潮砥

兩大灘須換船起載方可續航

二玉溪 玉溪在縣境中部發源於城南山麓之大龍仔源

流較諸小河為大北流平野水勢紆曲納楊家河高視河十擔

溪諸水而逞城南沿河築堰溉田其利甚大自城南西北流陷

為河谷至高洞距城下臨深潭飛瀑十餘丈以下無復溉田之

利至距城十里之江邊有源出煎茶倉原山北麓洗沙塘之溪

流自山後東北流納兩山豁澗瀉流山谷其源較遠而小鮮灌

溉利至隆興場為教家河下流納觀音灘潮水河日夜潮數次銀盞溪諸水繞洋塘塘至江邊來會由此逕向東北納漕窪馬蹄溪角口塘諸水至新坑塢之謝家復有角口河來會角口為通乾溪泉口司等地要此河上源紛岐皆山谿小澗匯流而成以源出廟頭以南之大小兒溪合流為冷水溪匯烏溪班鹿溪旋溪溝諸水為楊山河至王寶山伏為暗流大水則自梨子泛出為最長東與勞溝溪在鷹嘴岩西麓尋常無水乾溪因此得名西與墮平羊桃園冷水蓋諸水合流之黑鉛溪在大和林梁子石槽水東麓三流總會於乾溪場西山麓每至春乾溪附近瀧為澤國再由此伏流數里出鷹嘴岩山下田甚多至角口又納六井西來之水而為角口河至此二流匯合水勢較大至

德江縣志 卷一 地理 十九 德江啟明石印

楊渡頭納杉原頭水折東流納穩平下四房水經渡塘為無溪河無溪河之名見省頒方案現以此河入烏江口逆流至黃木為德沿調整新界出望牌以下五里之兩河口入烏江境內河流除烏江外以此為巨長百餘里自洋塘塘以下有江邊馬蹄溪楊渡頭河塢渡塘等渡口數處以小船渡河惟不能通航馬蹄溪在城西二十里清乾隆間江西饒州府嘉慶間梅奇倡募鑄鐵為橋上綬以板有府經歷鄭吉士著序載府志洎後橋圮鐵絕無存邑人萬雲集張金舉陳河清捐置菖蒲池田土招渡夫復設義渡三松溪 此河流在縣境西南其源有六以松溪為最長松溪源出偏石子附近之石重蓋槽溪山中向西南紆流經穿岩至石苜塢有煎茶溪水合附近源出新場蔣家溝諸溪澗之蛇

自蘇家閣東來入匯不數里至雙合營有源出平陽蓋之
自明溪橋北來入匯又數里至楊楠渠有源出旋廠香爐
冒水河合閔子溪之跳磴河南來入匯又數里有源出堯
之秀水自七星場北來入匯又西至大河坪有源出杉原
之上堤長壽洞馬郎平諸水下流為沙灘河北來入匯至
之堤大魚泉有德鳳橋為德鳳水北來入匯自此折向東
入鳳岡縣境盤旋思鳳境內向東南出桶口注入烏江此
縣境幹流長七十餘里各源流多灌溉利沿岸並用車汲
足為人民利賴各支流多穿通公路建築石橋積年累月
之鉅可想而知

縣志 卷一 地理 二十 德江啟明石印局印

小溪 此河流在縣屬東境上流為思印江即印江河源出梵

山麓東流經印江縣城至大安橋之兩河口納楓香溪河發

源當溪下流之冷水河冷水河為德入縣境稱小溪河至潮

河口入烏江

泉口寺河 泉口寺在縣屬北境地忽低下四周皆山距

二十里此河為廟頭下堤苦乃坪瑪瑙溪山中石有馬形故稱其地為

泉 銀甲溪洗脚溪斑頭坡四山溪澗匯流而成眾流湍急

亦易退總會於泉口寺一地昔年建有一寺於泉泉之由此

北流為馬路河至司渠入烏江長百餘里

六官堤河即豐在縣屬西界發源正安縣境婁山脈之麓

東流經鳳岡縣境至新田頭之馬道曰馬道河循天畝寺山西麓東北流曰豐樂河至楊柳頭鑿斷天畝寺山脈而流傍於細沙溪大山脈之西楊柳頭五龍口以下曰官堤河官堤河口為德安通道此段有闌干子河宿雞河后堤溪蘆塘溪諸水來注為德安交界河流

七、東華溪 在城南五十里源出本垣寺山麓之船山溝西南流為東華溪循懜懜蓋山麓納鋪子塘此入德安境水出寬坪為乍塘河匯綠池河東注為江東華溪一段為恩德交界處縣境除上述河流外有中部高地帶形如澀地之洞子溪溪流一道有溪無水春水泛漲則恃麻王洞及附近二三消院

為宣洩之所麻王洞年久行塞往往瀕為民患民二十四年夏淫雨山洪暴發上馬鹿岩高家壩一帶十餘里瀕為澤國田土淹沒月餘縣長錢文蔚集工疏濬近年始免為患此地適當煎茶至縣城公路特志及之疏通麻王洞碑記見本志卷三

關梁 縣境崇山錯峙關若天成溪澗紆迴杠梁不廢凡可資扼守場旅行者例得舉之

打馬壩一名打磨壩

在城東十里巖峰聳峙中分一岔為通

恩印要隘

關口即馬鹿岩

在城南十里兩山對峙中峰傑出為通煎茶

門戶

錢家岩 在城西北三十里通婺川要道沿山脊上至九里岡大山綿互連峰際天為德城天然屏障

劍石坡 在城東北二十五里高五六里磴道崎嶇路側有石如劍平苗時射有一箭穿石石猶存故名為近城通沿河安隘

獅子岩 在城南六十里通寬平要道僅容人行下視一望無際路側有水名一破水清冽可飲

十字關 在城西百里介馬郎平竹子垵之間先年號匪據此為場市

德江縣志 卷一 地理 二十二 德江啟明石印局印

穿岩關 在城西南五十里山腰石壁中穿數十丈口圓如月下有穿岩橋工程師張慶泗詩崎路羊腸轉穿岩到目前水勢湍低回難自抑秀色煥詩篇

煙鎖關即風 在望牌距城八十里上阻關隘下臨大河

英雄關 在新灘依山帶水有一夫當關萬夫莫開之勢

邱家關 在楓香溪東有險可據

班頭坡一名班鳩坡 在泉口寺南十里為縣中險道行人踵不可接肩不可摩知縣俞汝本詩班鳩坡高於天上下廿里無裳破碎叢棘裏性命險巖懸若巖巖穆

普濟橋一名大橋 跨城南玉溪

萬壽橋 在縣西北洋塘場坊棉花灘水通各河要道橋板橋為水漂波清道光時邑人鄭朝榮朝文兄弟捐錢五百千文并募建石橋橋成高二十餘丈費數千金

合璧橋 在治東三十里頭道河通思印孔道先邑生員石橋未歲事後陳仁榮等續修

天生橋 在縣東土溪通長堡水伏流高數十丈長數丈人行其上不覺為橋

縣境木石橋梁頗多不備錄

風景

鐘應山 在縣府後形如覆鐘西對玉屏山而阻玉溪東

接小園山望牛山而附屏嶺縣城優美建築多在南麓山頂有

正 堂山半有碧雲觀碑坊劉伯龍師長建一小道螺旋而上可資眺

覽市民環此山抱小園山而居兩山古樹參差四時各饒佳致

三台山 一名筆架山在城南十里冬時山頂積雪經久

不化

文筆山 在城南關口一峰傑出宛似文筆

大龍阡 在城南十里洞高數十丈下有流泉為玉溪水

源灌田甚多縣長劉洪濤鐫大龍阡三字於石壁題有詩於山

今觀此洞更巍然土人呼為大龍阡我書三字於其巔怪石嶙峋

仙洞中湧水溉民田民歌大有樂年可仰俗緣不渡蓬萊也是

愧我無如此水賢以外題詠多不備錄昔有蘇世望於洞口開樓奉佛遠近人士入夏常遊觀避暑登臨其上望遠無際洞深

不可窮極洞額猶有木車相傳為當年避難人汲水之遺但至今不可尋其路徑云

長春洞 在縣西南杉原里人牟長春罄家所有并募化修成故名洞中陂者平之凹者填之隘者拓之為橋為亭不一其景下有泉出樂子溪灌溉田畝亦利泉也

神仙洞 在龍阡埧場側地極清幽舉人劉家福題洞內像石齒嶙峋屹相向或作全剛怒目形或作菩薩依肩樣分明一座普陀宮幾時移在此山中不然神仙或弄巧特遣五丁力功等司

楊柳井 在楓香溪場下廣約一畝井中浮土有楊柳十餘株牽動一株株俱動

縣中八景昔人名曰靈犀護郭城東大山曰天馬歸鞍城北山曰龍洞飛雲城南大山曰龜泉汲月城中董曰鐘山煙樹城中鐘曰玉水虹橋城南曰銀潮報午城西潮水河在假應山路人遇之引以曰鐵鎖橫秋城北鐵為得利之兆今類識之備觀覽焉

交通

甲航路 烏江自思南下流至黃家坳入縣境經潮砥灘新灘兩大灘須起岸至望牌出縣境入沿河界水程約四十餘公里

乙公路 遵松公路自德鳳橋入縣境經七星場前茶溪冷板坵至惜懂蓋出縣境長約三十九公里

遵松公路工程

一、工作日程 民二十八年十一月前縣長趙連福開始興工二十九年今縣長張禮綱繼續增修三十年四月完
成費時一年有七月

二、監修人員 段長沈建斗廣西建設廳委派本縣劃成

五段分組五大隊興築隊設大隊長張著海安世祿安若

盧陳士琳

三、工程耗費 關山冷板垣懸石繫石居路石修橋自德鳳橋至東華橋

一、十各持工工食由省款支給土方涵洞路面費民工八

十餘萬工具火食洋共六十餘萬圓由縣籌辦

四、通車時期 三十年四月通車建設廳廳長葉紀元親

臨主持試車典禮

丙郵路 縣城設郵局民二十九年始煎茶楓香溪設代辦所東

南接思南西南接湄潭西北接婺川東北由思南轉印江沿河

均一日一班牛渡灘穩平七星場杉原欄杆子等處分置郵箱

丁電訊 防空無線電台置縣城北二十八年設電話自民十

七年前縣長蔡用休籌設潮砥煎茶欄杆子穩平等處與城通

話十八年以匪兵交訖廢至二十九年今縣長張禮綱先後恢

復由城達煎茶穩平兩線治內無有線電報局

物產

秦稷稻梁菽麥全縣大抵相同惟平原比山地成熟較早此則氣候使然棉花昔自外購今因感於缺之家戶購籽而種所在皆有尤以袁家壩為最蓋其地山多田少故也外此則官林之茶岩口場之絲黃土坎之柑樂子溪大麻溪之梨均可獲美利然皆所產無多桐柏漆栲栳之屬亦係產出之地大約東北一帶地勢低而多桐柏西南一帶地勢高而多漆栲栳歲可出二萬餘斤桐栲合計相等栲則採於山箐中天然利源栳葉稍假人力培植一歲之中所出已為不尠鑛產梨子平鑛山在杉樹保之雞冠山楓香溪之煤鐵乾溪之王寶山亦產鐵杉原之客店亦產煤久經著名相傳鑛量頗豐虎豹西北大山中間有之水產玉溪之龜大龍陣之

德江縣志

卷一

地理

二十六

德江啟明石印局印

細鱗樂子溪之鮫魚烏江之鯪魚潮砥之石爬味美富油色黑狀類鱖而大遇水深時則有之各溪流之水獺大塘河龍泉相傳有比目魚兩相並游泳土人以半邊魚呼之松溪間有白鱈均得之見聞云

縣境無苗夷通屬漢籍聚族而居以禮相尚婚喪祭祀稱家有無農務耕耘婦勤紡織士子讀書明理崇道德屏異教有先民之遺風存飲食衣服異常撙節良由土瘠民勞故也因近四川

通用四川官話

邑侯李成周留別安化士民詩三年安處樂無疆小住何知歲月長士氣雍和家稷契民風淳質世義皇評詩讀畫心多暇對酒看花興欲狂他日老夫歸夢裡定將此地憶家鄉

附場市表

場別 距城里數 集期 備考

本城 四九 五日一集

合明 三〇 十日一集

共和 三〇 同

舖子壩 四〇 以下皆五日一集

清水塘 四〇 五十

牛渡灘 四〇 二七

長 伍 六〇 一六

湖 伍 六〇 三八

德江縣志 卷一 地理 二十七 德江政明石印局印

新場 二五 一六

煎茶溪 四五 二七

杉樹堡 六〇

七星場 七〇 一六

梅子坳 五〇

冷板壩 五〇 四九

龍溪壩 六〇 五十

明溪 六〇 四九

杉原 八〇 五十

洋塘 一二 二七

乾溪	分水埕	角口	黃家埕	龍阡埕	偏岩子	欄杆子	塘埕	隆興場	細沙溪
五〇	三〇	四〇	六〇	六〇	五〇	七〇	四〇	二〇	四〇
三八	三八	一六	五十	一六	二七	四九	三八	二七	一六

德江縣志

卷一

地理

二十八

德江啟明石印局印

望牌	宛平 <small>即德平</small>	廟堡	方家寨	泉口寺	廟頭	鐵孔埕	墮平	黃家堡	大石坂
八〇	四〇	六〇	七〇	一三〇	六〇	八〇	九〇	六〇	六〇
五十	一六	五十	五十	二七	五十	四九	一六	二七	二七

紅坳 五〇

新灘 六〇 二七

袁家壩 八〇 四九

楓香溪 八〇 一六

按府志上列鄉場開闢俱早每場相去十餘里或二十餘里不等住民少者十餘戶多不過數十戶良由人民自為觀度所在便於散集故縣內無處非市僅就所見論焉

德江縣志

建置志第二

縣治在大堡明隆慶二年元時為水特姜長官司依氏故地明
 改水德江司萬曆二十三年一六三始改司治設縣錫石安化
 治所在今思南縣城南門原隸思南府轄清代因之光緒八年
 從黔撫岑毓英奏請改遷今治督辦工務委員徐世諫就本城
 鐘應山山麓建治堂堂三間次內堂堂五間堂左附花廳一所
 次內署間如之治堂下建申明亭前為二門又前為頭門門內
 右典史署左縣監獄門外為屏牆臨街周繚以垣落成徐撰有
 移建碑記垂治堂石

德江縣志

卷一

建置

三十

德江啟明石印局印

縣之東銅松所屬有梵淨山馬高巒數千丈綿延六百里有
 為苗人所居咸豐同治間上下游岸苗年數千次從勝邑
 城迫地擾攘莫濟時艱越曾樞元宮保中興軍北抵川黔
 四路分擊斬擒無常肆行擄掠屯兵收捕幾歷六年逮庚辰
 梵淨山中出沒無常是邦巡行各屬親詣梵淨山分兵攻擊
 年岑彥卿宮保來撫斬首二百餘匪黨悉平宮保察輿圖
 直破其巢揜其渠魁斬首二百餘匪黨悉平宮保察輿圖
 編制形勢山距松銅嶺首二難周安化之紅絲石界等處
 離城三百餘里民頑俗亂管轄難周安化之紅絲石界等處
 切查明奏請以銅仁縣改移江口以安化改移大堡於通邑
 適當其中於地易於控制實屬一勞永逸之舉余等奉札修
 建安化縣文武各署城隍廟等工甫換斯鳩工庀材緣該處
 地闊民稠洵為建立城邑之所爰擇基址鳩工庀材緣該處
 兵燹之餘材下稀疏艱於採辦適有安拔世亂蕭蕭正
 順等其先世植下楓香大樹七十餘株經世亂蕭蕭正
 載余等集兩下諭以急公好義二比樂從遂將此樹呈送
 公用誠百年樹木以留今日棟梁之用耳其初修於辛巳
 四月告竣於壬午九月謹誌其端以垂移建之由云爾

民政元後仍因舊署二年更名德江縣越十六年更名德江縣

政... 中明亭外去屏牆增設屏門署制改觀舊守衙署
在城內新街後營地與縣署同時建民八年縣中奉文變賣自
是遂為民廬教諭訓導兩署未建

舊典史署改設公所城隍廟同

縣城舊無公倉前縣長錢文蔚就火神祠改置積穀倉三間現
任縣長張禮綱於治堂石隙地建寶物公倉一所鎮公所建公
儲倉三間

文思書院在城西北知縣胡大經捐建詳後

懷德堂義學在書院側光緒二十六年知縣胡大經捐建有自
撰碑記書院大門之外官買隙地尚多白君裁周或稱其可修

德江縣志 卷一 建置 三十一 德江縣志

弗敢懈乃建義學其學堂瓦屋三間密磚砌牆數仞堂上設
香案供先賢五子祀位堂下大院落亦密磚圍牆前有瓦屋
為龍門後有瓦屋二間一為廚一備看役居處既潔而私書院
懷德堂或頌之曰美哉命馬與昔之書院頌德祇不洽
乞馬者為頌之曰美哉命馬與昔之書院頌德祇不洽
賢或誌其為頌之曰美哉命馬與昔之書院頌德祇不洽
何其所好又建義學人云簡民亦有賴以善吾儕小人不
捐廉建懷德堂後任經理以垂久遠圖存督糧道黃憲曰該
轉餉立案由後任經理以垂久遠圖存督糧道黃憲曰該
建文品祠文思書院懷德堂義學殊堪嘉慰仰即如稟立案
以垂久遠圖存又各憲批獎亦如之然則公之治其諸獲乎
上矣乎余曰吁子未思之深也斯大經之為義學不遇明其
耳行而宜之之謂義官斯為學堂供先賢祀位隨而訓其
其良心而莫之救於是乎為學堂供先賢祀位隨而訓其
中如在真其感興起歲有康馬非卸任之官所敢知
資焉省試有錄焉

大經不謀其政胡騰口說既得自我工竣亦厚幸矣雖然又
何患我人之欲善誰不如我後之君子經事增華必將慨然
以張民育德為己任其誠也更有什於地也哉吾子拭目觀
之

先農壇在城西北知縣胡大經捐建既成買濫溝水田五畝以
襄記事並撰記勒石今祀典已廢地址田畝併入學校記不贅
錄

玉溪鎮中心學校原石兩等小學堂清光緒三十年知縣劉雲
衢就先年胡任內先後所建文思書院懷德堂義學先農壇文
昌祠等改修初高教室各兩大間四周環以齋舍憩息圖書儲
藏等室上建禮堂一大間民十一年至二十三年中間兵匪交

德江志上卷一 建置 三十一 德江教明石印局印

逼校中折毀幾盡二十四年前縣長錢文蔚始籌款補修先後
建新式教室兩所並新建大禮堂未及歲事去任後縣長李英
翔任內為大風所奪邑人惜之

初級中學在城東大犀山麓地址得宜全校上下內外規則完
整蔚然觀德江文明之象校右隙地現建救濟院及公共市場
迤右設合作金庫改前明古民教館衛生院金庫尤為精緻完

密均現任縣長張禮綱建

鐘應山頂中正堂劉伯龍師建堂外懸巨鐘一口循前縣長錢

按時計上頂擊之如登高而呼

抗敵殉難忠烈官民紀念碑在城南橋頭縣長張禮綱暨各界建

縣治組織變遷

清光緒八年任縣治遷移大堡 縣名安化縣正堂捕廳名

民國二年改為德江縣公署德江之名係根據原名水德江司

十六年周省主席主黔政時改為德江縣政府縣政府之下設

財政教育建設公安徵收等局厥後增設總務科徵收局改名稅務局

二十四年縣府內設秘書裁局併科設第一科原縣府之總第

二科稅務局第三科教育併警佐辦事處公安局

本年成立縣黨部 設地方財務委員會

二十七年司法處獨立 警佐辦事處改為保安警察隊

八月一日成立民衆教育館

德江縣志 卷一 建置 三十三 德江啟明石印局印

二十八年成立兵役股 衛生所

二十九年元月改兵役股為兵役科 六月成立合作室

三十年十月改第一科為民政科第二科為財政科第三科為

建教兩科兵役科為軍事科 本年成立田賦徵收處旋改

為田賦管理處

三十一年一月成立督導室 六月一日成立糧政科

二十日成立統計室 本年改衛生所為衛生院

成立社會科

三十二年一月實行新縣各機關均依法定編制之

軍事組織變遷

民國二十六年成立德江縣社會軍事訓練總隊

二十八年九月改訓練總隊為德江縣國民自衛總隊各區成

立區自衛大隊聯保成立聯中隊保隊甲設甲班

十二月成立常備隊專負征調編訓撥補事務隸屬縣政府

二十九年八月改國民自衛總隊為德江縣國民兵團改常備

隊隸屬之仍設區隊聯隊保隊甲班

十二月國民兵團之下設一後備隊轄三分隊專負組訓團

民兵訓練期滿還休

三十年八月國民兵團奉令停辦常備隊後備隊同時裁撤惟

地區各級隊仍保留

三十一年四月國民兵團又奉令成立附設縣政府

區鄉鎮沿革

民初改行地方自治於插花釐定後就縣境所屬編列九區其區會中區設本城東一區設潮砥東二區設長堡南一區設煎茶南二區設寬平南三區設七星場西一區設欄杆子西二區設乾溪北區設穩平民國六年南二區附於思南只餘八區二十五年歸併東南西各為一區即由城區次第計之是為五區至三十年併東區入穩平西區入煎茶分第一區為鎮為鄉直屬縣府未幾廢兩區去鄉鎮名通為直屬縣保現所行者聯保制也全縣計二十聯保一百八十三保一千九百六十八甲明年(三十三年)實行新縣制改聯保為鄉鎮將裁併為十七鄉鎮焉

附聯保各保一覽表

聯保別	辦公處	保數	備考
玉溪	本城	一二	
共和	曹家埧	九	
文新	隆興場	一〇	
天台	天台寺	九	
黃金	長堡	一二	
潮砥	本場	七	
楓香	楓香溪	一一	
牛渡	牛渡灘	九	

煎茶	本場	一一
大興	鋪子壩	一〇
復興	七星場	九
平原	杉原	八
沙溪	細沙溪	九
欄杆	欄杆子	一〇
穩平	本場	九
文化	望牌	七
杉樹	山羊頭	八
長豐	黃家堡	六

德江縣志 卷一 建置 三十六 德江啟明石印局印

和平	方家寨	七
泉口	泉口寺	九

右共為二十聯保一百八十三保

學校設立經過

本縣於清光緒三十年就縣城文思書院改設兩等小學堂為
 該學校之始民以效始每區分設小學校一所二十四年縣
 長錢文蔚倡建社會推廣學校各區初小漸次設立至二十八
 年有小學四十餘所二十九年縣長張禮綱創建縣立初級中
 學廣設鄉村學校以謀普及教育現全縣於新縣制未實施前
 已有各級小學一百八十八所將來地方教育之發達殆未有
 限量也

本縣現有學校除縣城設有初級中學一所外其餘各聯
 保所設學校數目列表如下

附各聯保現有學校一覽表

聯保別	中心學校 所數	國民學校 所數	備 考
玉溪	一	一一	
共和	一	八	
文新	一	九	
天台	一	八	
黃金	一	一一	
潮砥	一	一〇	
楓香	一	一〇	
牛渡	一	九	

煎茶 大興 復興 平原 沙溪 欄杆 穩平 文化 杉樹 長豐

— — — — — — — —

— — — — — — — —
一 一 一 一 一 一 一 一
一 〇 八 七 九 九 三 八 七 四

德江縣志

卷一

建置

三十八

德江啟明石印局印

和 平 泉 口

— —

六

右二十聯保共一百八十八校

德江縣志

祠祀志第三

舊文廟在今思南縣城西北隅為思仁道署遺址府志前明縣學附於府康熙三十二年巡撫田雯題設學訓導一知縣姚夔建

大成殿五楹東西兩廡各四楹戟門五楹櫺星門三楹乾隆二十年知縣魏象烈重修嘉慶四年知縣張寶鑑重修五年知縣全崇璜重修二十一年訓導謝紹伊倡鑿泮池於櫺星門外改建禮門義路左為德配天地坊右為道貫古今坊均如制崇聖王祠在明倫堂後知縣姚夔修知縣張寶鑑重修

德江縣志

卷一

祠祀

三十九

德江啟明石印局印

名宦祠在戟門左

忠義孝弟祠附府

鄉賢祠在戟門右

節孝祠附府

凡釋奠於

先師之禮府州縣衙皆為廟曰文廟殿曰大成以四配十二哲侑饗殿中以先賢先儒從祀兩廡

至聖先師孔子神位居中南向四配十二哲先賢先儒皆東西向歲以春秋仲月上丁釋奠

縣治新遷未建專廟每歲春秋則假學校禮堂祀之
民國以來不定春秋按

先師八月二十七日誕期舉行典禮三十年奉令以教師節典

禮同日行之

關廟在城中鐘應山麓為邑人公建其先農壇大神祠文昌祠
等因國體變更停祀皆廢

德江縣志卷之二

田賦志第四

清初有丁有糧乾隆四十二年奉文將丁差銀通攤田畝項下完納自是僅存田賦

賦原額肆百貳拾石每石征銀拾叁兩計銀伍千肆百陸拾兩
民國改征銀幣一五折算計幣捌千壹百玖拾元民四劃撥插
花撥出鄰縣壹百捌拾貳石肆斗實存貳百叁拾柒石陸斗計
幣肆千陸百叁拾叁元貳角復由鄰縣撥入暨官藉田租計幣
玖百柒拾壹元貳角貳分通計幣伍千陸百零肆元肆角貳分
視原額減貳千伍百捌拾伍元伍角捌分每年人民積欠太多

德江縣志

卷二

田賦

一

德江啟明石印局印

收入不過叁千餘元

二十九年政府辦理土地陳報經編查員丈量編訂分三等九則

一等一則計陸千柒百零肆畝壹分二則捌千叁百肆拾叁畝捌分三則壹萬柒千捌百貳拾貳畝陸分

二等一則貳萬柒千叁百伍拾壹畝肆分二則貳萬玖千貳百柒拾叁畝捌分三則叁萬捌千叁百叁拾伍畝壹分

三等一則貳萬零叁百壹拾柒畝陸分二則壹萬壹千玖百玖拾壹畝伍分三則貳萬肆千壹百壹拾陸畝肆分

通計壹拾捌萬肆千貳百伍拾陸畝叁分

征額 一則每畝征法幣陸角二則伍角三則伍角貳仙
二則每畝征法幣肆角肆仙二則叁角捌仙三則叁角貳
仙

三等一則每畝征法幣貳角肆仙二則壹角陸仙三則捌仙
通計法幣陸萬貳千壹百壹拾貳元捌角

三十年改征實物法幣壹元納稻穀市斗每斗貳拾碗貳斗扣合本
縣常斗每斗肆升山土無稻搭成征收包穀視稻穀價為準兩
穀同價征稻穀壹斗包穀仍征壹斗如包穀價低視價增升斗
若干扣合稻穀價值通計穀壹萬貳千肆百貳拾貳石伍斗陸
升三十年代因歲歉呈請上峯回征法幣奉准以市斗貳斗征

德江縣志

卷二

田賦

二

德江啟明石印局印

法幣捌元通計應征法幣肆拾玖萬陸千玖百零貳元肆角
正賦之外又有蠟課民二十八前歲納幣拾元零陸角伍仙其
餘條編馬館鹽鈔三項年久無徵

田賦收歸中央直接征收於三十年十月成立田賦管理處
隸屬財政部並劃分糧區設置征收分處

本縣以調整劃撥田土賦額較前增加自三十一年改征實
物約以三七成搭征包穀及稻子

學田

玉溪聯保 縣城花橋伍坵租穀壹石伍斗文峯山貳份壹石伍斗羅家寨柒坵壹石玖斗又伍坵貳石伍斗又肆坵叁石羅家井叁坵洋伍元金穀廟貳坵壹石壹斗棗子田肆坵柒斗伍升廟灣玖坵壹石柒斗伍升坳田伍坵壹石柵木窩玖坵柒斗伍升

共穀壹拾伍石柒斗伍升洋伍元

文新聯保 牧羊嶺橋邊方坵硝院陳家當門大木樹肆份租穀壹拾捌石丹池長灘深溪四渡肆份叁石坳田坎桂花樹壹拾叁坵壹石伍斗楊家田壹份貳石通台田壹坵壹石貳斗香

德江縣志

卷二

田賦學田

三

德江縣明石印局印

樟樹貳坵柒斗田灣捌坵捌斗馬夾鎗米團耙樟樹林叁份柒斗祠堂當門石頭田糯米田當溝田共肆份貳石伍斗石板橋土肆幅包穀貳斗伍升水環邊國家井土肆幅包穀伍升
共穀叁拾石零肆斗包穀叁斗

共和聯保 千江寺壹拾陸坵租穀肆石大方坵張家坪息場楓香坪苦竹園共貳拾貳坵陸石當門田後頭田水口下共壹拾壹坵貳石慈菇田壹坵壹石黃梅寺壹份米壹石

共穀壹拾叁石米壹石

煎茶聯保 大溝拾坵長坪肆坵租穀貳石貳斗書院上土伍塊包穀貳斗伍升新場渠拾陸坵叁石伍斗王家灣叁坵壹石

捌斗官糧坪伍拾坵土陸塊茶石蛇蟠溪金寶廟拾陸坵新廟
坡古家溝馬搭連叁拾坵玖石糧田渠碾房右側貳坵清明田
叁坵李家溝陸坵馬道子壹坵官田坪拾肆坵肆石肆斗石盤
盤拾玖坵土叁幅草寇墳肆坵下濫渠肆坵陸石陸斗乾洞壹
段伍石伍斗大河邊叁拾坵拾石零陸斗李家渠和尚田拾陸
坵伍斗包肚田壹坵伍斗毛田渠柒坵米壹斗捌升包穀伍斗
壹升松溪塘兵站房基壹塊包穀叁升站溪肆拾叁坵壹石穿
岩濫壩共柒拾坵肆石貳斗老林寺右邊柒坵捌斗戴家堡壹
段陸斗紅岩底河沙渠拾貳坵叁石叁斗石梯渠壹坵半叁斗
桃子坵貳拾肆坵土陸塊貳石肆斗偏若子龍洞壩上段叁拾

柒坵下段拾坵伍石叁斗捲洞橋肆坵壹石捌斗倒插坪土壹
幅包穀貳斗廖家環邊柒坵貳石叁斗水鴨子濫壩楓香樹拾
坵叁石貳斗李家田拾伍坵花土堡肆坵廖家 邊土壹幅叁
石肆斗包穀伍斗絲栗堡土壹幅濫渠子土壹幅包穀叁斗胡
家火田壹坵大榜拾叁坵壹石陸斗白果樹肆坵捌斗楊家廟
壹坵土壹幅包穀肆斗叁升三角土肆坵濫渠子貳坵貳石肆
斗漆樹壩壹坵土壹幅壹斗包穀貳升竹林壩瓦廠拾肆坵叁
石繡肚田高林壩青桐坪拾坵貳石石窖田老煙燈貳拾柒坵
貳石柒斗四人抬轎肆坵捌斗捲子樹石梯子共貳坵濫渠子
貳坵貳石濫壩壹拾柒坵土壹幅陸斗包穀肆升石窖田拾貳

坵土壹幅茅草坪伍坵中岡嶺拾叁坵貳石叁斗包穀壹斗倒
插坪肆坵肆斗竹林坎土壹幅包穀壹斗肆升雙龍寺拾壹坵
柒斗

共穀壹百石包穀貳石叁斗米壹斗捌升

大興聯保 老寨十方堂朝陽寺壹拾陸坵楊柳園拾肆坵租
穀叁石伍斗張家屋基叁坵貳斗伍升木魚堡拾叁坵伍斗窩
坵伍坵貳石梅子坵高橋河邊陸坵叁石熊家廟貳坵壹石貳
斗山王廟壹坵壹石傅家坪上段伍坵貳石叁斗中段貳拾壹
坵壹石玖斗又壹段貳石陸斗鹿子坵陸坵壹石柒斗糧田坵
伍坵壹石貳斗杉樹林叁坵貳石壹斗高茅坡叁拾坵土壹幅

德江縣志

卷二

田賦學田

五

德江啟明石印局印

貳石伍斗向家山窩坵捌坵水井邊貳坵楓香樹陸坵窩堡哥
坵貳石柒斗紙廠溝伍坵伍斗打腳溝壹拾貳坵壹石貳斗報
恩寺壹拾陸坵三角柵伍坵關兜獨柒坵山王殿壹坵鄭家壩
柒坵園子茶林山土壹拾柒石肆斗合朋花花橋壹坵伍斗黃
毛井肆坵貳石桂花樹捌坵壹石叁斗挑水河柒坵柒斗蒲家
坵肆坵貳石當坵叁坵壹石叁斗國家寨叁坵貳石伍斗紫霞
寺當門肆坵側邊玖坵碾房前肆坵桂花樹肆坵鴨池拾壹坵
捌石鴨頭井玖坵魚田壹坵壹石陸斗秀崇寺壹段貳斗伍升
雙堰坑叁坵柑子樹壹坵陸斗火稿田壹段伍斗背耳田壹坵
碾房壩叁坵伍斗白家寺後面拾坵貳石通王坵壹份陸斗又

半節土叁塊包穀貳斗關刀田壹坵壹石繡肚田壹坵肆斗周
家灣拾陸坵壹石向家河柒坵貳石沙坡拾肆坵土伍塊墳當
門壹坵貳石米肆升塘上土壹幅包穀壹斗舖子灣玖坵貳石
肆斗周家頂伍坵桐子坪伍坵米叁斗坳田壹坵山水田壹坵
壹石貳斗伍升陸家溝長五間堰塘灣桅杆嘴新田灣共貳拾
肆坵叁石和尚坡拾叁坵中寨肆坵貳石香樹林壹坵米貳升
燕窩楊柳樹舒羊井 坵壹石包穀伍升堡上土壹幅包穀肆
升旋廠朝陽山廟當門拾坵蒲笋田肆坵當灣貳坵叁石伍斗
捲洞橋捌坵月亮田貳坵紙槽井貳坵出水田壹坵堡上中段
玖坵下段陸坵柒石肆斗應嶺岡肆坵寶路井拾貳坵張家墳

德江縣志

卷二

田賦學田

六德江啟明石印局印

肆坵壹石捌斗椽子樹伍坵柒斗廟丫口半坵肆斗下堰柒拾
坵叁石伍斗洗沙塘碾房壹架米肆斗大平山拾壹坵譚家坵
肆坵叁石河坪伍坵伍斗車盆坵陸坵叁斗烏坪劉家灣右邊
叁坵貳斗左邊壹坵屋基壹幅貳斗人頭田壹坵伍斗堡上土
壹幅包穀貳斗

共穀壹百零捌石玖斗伍升米柒斗陸升包穀伍斗玖升

楠杆聯保 天井後頭堡貳坵租穀捌斗米團堡霧石坡堰頭
上肆坵壹石伍斗葫豆田山王殿陸坵壹石井當門廟當門肆
坵壹石柒斗茶樅口長斡子土貳幅半包穀壹斗天半寺廟前
後土壹大幅包穀肆斗龍肝坵橋下過水坵叁坵壹石玖斗張

家溝上段拾叁坵壹石陸斗酸棗丫貳坵捌斗涼風阡叁坵壹石叁斗揚石溪壹份貳石肆斗雙蓮寺叁坵貳石土地溝杜家壩拾叁坵貳石菜窩坵壹坵貳石水泗溪廟當門雷家河白果樹捌坵肆石叁斗

共穀貳拾叁石叁斗包穀伍斗

平原聯保 沙包田肆坵租穀貳石柒斗鐵號壩貳坵蠻子田壹坵壹石伍斗紅子坵土叁塊包穀壹斗伍升黃泥田壹坵壹石捌斗廟壩伍坵瓦窰田壹坵土壹幅貳石肆斗河底下陸坵壹石伍斗學田叁坵貳石貳斗馬蹄山伍坵壹石袁家坡土壹坡包穀壹石肆斗斑鳩井土壹塊包穀伍升

德江縣志

卷二

田賦學田

七

德江啟明石印局印

共穀壹拾叁石壹斗包穀壹石陸斗

復興聯保 梅子坵竹子坵叁坵租穀壹石土井四圍當坵共壹拾柒坵米肆石肆斗趙家岩土壹幅包穀肆斗

共穀壹石米肆石肆斗包穀肆斗

穩平聯保 楓香坵叁拾貳坵租穀貳拾挑 每挑以貳斗伍升計每升以捌碗計

王後頭貳坵貳挑大息場四層岩拾捌坵拾挑青桐嘴柒坵叁挑玉皇觀壹份肆挑

共穀叁拾玖挑

黃金聯保 大水塘玖坵拾伍挑大寺頂秧地貳坵伍挑大壩上下兩段拾叁坵拾陸挑

共穀叁拾陸挑

潮砥聯保 玉皇閣土壹幅包穀捌升

捐置學田

徐洪恩煎茶聯保土城隍人先年抱與徐田氏學剛之妻為子本年

四月遵母遺囑願捐受分之業地名楓香坪上半段水田拾叁

坵麻阡坵水田叁坵燈草池水田捌坵三契作徐氏小學永久

基金大田堡水田壹份作保小學田徐家林水田拾肆坵雀窩

水田拾陸坵作聯保小學田計三項田業每年約共出穀肆拾

石約合貳百市石外捐現穀伍拾挑約合伍拾市石補助教育經費查核所捐

之田與穀合時價約值洋叁萬捌仟元足見洪恩熱心教育縣

德江縣志

卷二

田賦學田

八

德江啟明石印局印

政府當即製匾以旌門閭並呈請 層峰援例給獎本志特將

事實詳載垂永久云

德江縣倉庫一覽表

別區	第一	第二	第三	第四	第五	第六	第七	第八	第九	第十	第十一	第十二
倉庫地點	玉溪聯保	牛渡灘	杉原	七星場	冷板丫	煎茶溪	塘堤	沙溪	四欄杆	穩平	羅家堤	詒
所數	二	二	一	二	一	二	一	一	一	二	一	一
間數	六	三	三	五	二	六	一	二	二	五	二	三
每間容 量數目	六〇〇挑	四〇〇	二〇〇	一四〇	二五〇	一五〇	四〇〇	四〇〇	三〇〇	三〇〇	三〇〇	二四〇〇
修建年月	二五、二六、二九年 先後成立	三十年三月	同	二九年十月	二九年十月	二五年十月 二九年四月	二九年十月	同	同	二五年十月 二八年三月	二九年九月	
備 考	三十年度積谷新建十一倉 未列入											

德江縣志 卷二 田賦倉庫 九 德江啟明石印局印

按二五、二六、二九各年度倉庫係原屬五區分區修建
三十年度積谷以聯保為積儲單位除玉溪等五聯保有舊倉
可資利用外新建共和等十一聯保倉

現屬杉樹聯保

德江縣志

官師志第五

知縣 自明萬曆時始 有王重巽雲南曲靖舉人 朱凌霄廣東南海舉人 張

舜叙廣東從化歲貢 鄒守謙四川巴縣選貢

天啟時 有萬應奎江西南昌舉人 廉養貞湖南沅陵舉人

崇禎時 有蔣之芳廣西全州舉人 韓如愈江西新化進士 唐承祚江西義寧選貢 韓

宗愈江南寶應選貢 黃有年廣東南海舉人 張培陝西扶風選貢

清順治時 有顏佐河南懷慶武舉 雷起龍江西南元貢生

康熙時 有馮天馭雲南永昌貢生 雍居敬四川南都舉人 溫如璜直隸宛平貢生 王

大用直隸宛平例監 姚夔浙江山陰舉人 連述先湖州正黃旗人 黃儀直隸鄭州

德江縣志 卷二 官師 十 德江啟明石印局印

璽山西進士 沈嘉浙江仁丘進士 綸江南貢生 劉世沛河南貢生 朱華湖北漢陽

貢生 梁金震廣東舉人

雍正時 有蔣燧廣西舉人 蔡時豫四川邛崃舉人 杜詮雲南馬騰舉人

彬江南宣

乾隆時 有王元昊進士 高星煥王 琮監生 魏象烈舉人 毛鳳毛

人舉林枚先舉人 朱綸舉人 褚元亮監生 施發元進士 徐堂貢生 花映

陸舉莊緒疇捐縣承 蔣勳貢生 何承稜舉人 李懷琮監生 汪昇一捐縣

沈魁舉人 李洋籍皆無考 解韜江西進士 恒昌滿州筆帖式 福

禧滿州筆帖式 法明滿州筆帖式 熊爵勳江西豐城進士 宋鐸四川雙流監生 羅裕

遠湖南長沙舉人 李成周南城人 費承勳浙江人 林東蓉廣東和平 廣興

滿州候祝煜燔進周 薰舉朱源舉楊心裁監

嘉慶時 有安嘉相湖北江夏人 宋 璵江蘇長州人 張寶鑑順天大興人

全崇琇廣西人 榮 昌滿州候知府 林家福建侯官人 汪百川河南光州進士 夏

之瑚廣西人 蔡元林四川富順人 班凌霄山西崞縣人 炳順天宛平人 李

鴻卓江西進士 未奕昭河南輝縣人

道光時 有李振堃湖北黃岡人 胡德瑛湖南夏邑人 施鳴盛浙江華舉人 曲

鳴和四川南蔣人 占鼈廣西桂林人 魯秉禮江西新建人 甘雨施四川榮昌人 楊

鉅源江西清江人 陳文衡福建龍巖人 鄭士範陝西鳳翔人

以上凡八十有七人其載入舊志名宦門者十有二人

明

德江縣志

卷二

官師

十一 德江啟明石印局印

朱凌霄 卓有循聲

萬應奎 值安賊邦圍會城監軍進討水西遇害事聞贈光祿

寺少卿廕一子入監賜祭

韓如愈 有政績邑民稱為韓青天折多奇獄行取兵科給事

中

清

魏象烈 修學宮名宦祠有木主

溫如璜 任事五年卸事之日行李蕭然

熊爵勳 督治街道製太平缸草廬舉易以瓦民不患火

安嘉相 才幹明決陞歸化州通判

張寶鑑 號鐵崖性嚴峭清慎嚴肅

汪百川 建言是堂並籌經師修俸

李鴻卓 才識明敏獄斷得情

甘雨施 勤吏事諭民種桐棧助生計

楊鉅源 倡修郡志偕府建及幼堂設紡織局

典史 明無考

清 有鄭良才 田光裕 田大暢 田白 杜城 杜文標 李

毓秀 城李奪玉 南秦景溥 江陳源道 黃鴻 漸浙 堂學尹 西陲 姜

雲庚 西江 張永儀 南江 萬興業 崔衡漢 李 紀 余元霖 梁

筠 任 採 張家璜 彭上達 張 鎡 李光輝 童

德江縣志 卷二 官師 十二 德江啟明石印局印

士奇 何廷魁 郭思齊 王 坦 何 鑰 范 煥 王

金綬 李廷贊 舒 章 顏天相 張 洪 朱 繡 浙江

雅許孝裕 趙同宣 湯昌期 曹樹楨 南江 茅 貢 浙梁嶠

年 建邱徽垣 尹耀祖 川楊時鳳 西江 王吉霖 蘇李 灼 隸陳達

華 西江 金政藻 江沈 網 浙江 陸元仲 蘇江

教諭 訓導 明無考 清康熙四十四年復設 有趙 寬

羅 仁 鎮達 周 衍 貴陽 唐文遠 涪潭 舉人 陳上士 安平 王元佐 石

樹 方象乾 李 培 黃世德 楊景榮 舉人 張廷椿 彭 展

翼 徐 杰 貴吳文鳳 舉人 畢節 聶萬穎 正安 姜渭滋 貞豐 黃

禮 興義 吳廷獻 貴陽 舉人 徐學先 石阡 姚振域 普安 王金華 平越 趙

維藩貴筑舉人 吳瑞徵遵義舉人 以上教諭

黃之驤 章文 貴筑貢 商世佩平越貢 趙世華 鄭聲鴻廣貢 吳

楷清鎮貢 李枚黔西副榜 彭謚遵義舉人 劉聰清鎮貢 鄭毓彥普定舉人 蔡

光世貢 吳權永甯貢 龍文和黎平副榜 孫仲元畢節副榜 趙天賦遵義貢 王

鼎銘大定副榜 黃嘉善黃平舉人 謝紹伊開州副榜 宋兆觀貴定副榜 陳際清鎮遠舉人

袁秉金遵義副榜 周鈺鎮遠舉人 何森之清鎮舉人 以上訓導

右均載舊志

咸豐時世亂縣官或去或就其籍無考姓名可紀者有

吳雲煦 張致裊 汪麗金 蕭丕基

同治時 有廖遇春四川巴縣舉人 周啟江湖南軍功 范玉成湖北羅城廩生

德江縣志 卷二 官師 十三 德江啟明石印局印

光緒時 有鄧善耀湖南善化監生 唐汝霖雲南昆明軍功 八章

林榕廣西進士 彭燦瑩湖南軍功 糜顯俊四川秀山生員 兼楊

體仁四川瀘州軍功 胡大經湖北漢陽舉人 十六田應龍湖南鳳凰

二十三年署 宋澤春湖南湘潭廩生 陳景范湖南瀏陽軍功 翁植

湖南湘潭生員 劉文泰四川樂安生員 劉雲衢江西新昌進士 戶

任直至宣統三年止

右自咸豐至清末凡十有九人其行事可知者四人

范玉成 號琢生建舊治城中多數太平缸及潮陽義學

楊體仁 號靜山生性篤孝座右箴面皆大書一孝字自惕居

官清正發姦摘伏人服其明

胡大經 字仲奮勤課士類嚴束書吏寬貸歷年積欠田賦縣城文思書院文昌祠懷德堂義學永靖池太平缸及南區鳳鳴書院穿巖東華溪等處花橋皆其所建

宋澤春 字鶴琴訓士勤懇素無留積捐廉補修文思書院建小穀蒙泉兩義學募置試興堂卷價田有碑記垂縣署大堂

典史 咸豐時 有壽其仁

光緒時 有鄧賢南湖童春樓湖黃善謨湖白璋四川江津

修造捕署及縣城行祠徐士林四川李鴻慈浙江

宣統時 有盧禹塗廣西

教諭 訓導 駐舊治思城 有莫庭芝獨山呂重熙貴陽顧

德江縣志 卷二 官師 十四 德江啟明石印局印

聘珍貴陽謝廷珪遵義陳蓉皆涪潭歲貢

上縣丞 原水德江正長官司

宋張恢以陝西咸寧進士平思州蠻洞授亞中大夫傅子煥煥

子坤元元時思州苗彝肆逆坤元相機設奇累戰皆捷授龍泉

坪特姜長官司子應隆繼襲於順帝至正間征古州苗彝金頭

和尚與思州宣撫田仁厚捕獲主謀逆賊陞授奉訓大夫紹慶

路同知至正八年紅巾賊亂破紹慶府十九年復紹慶城忠浩

施南保固湖廣中書省申奏以應隆功授黔南道鎮國將軍明

洪武二十八年改水德江正長官洪武三十一年乾福襲永樂

二十年沂襲時彝賊逼境沂奮勇赴敵多所俘獲沂卒庠生源

襲時後洞草塘紅江等處苗叛源率眾力戰斬獲甚多正統間
玉襲奏罷海清軍役玉卒增羽襲征鎮溪高寨蓋山溪李岩坪
賊有功嘉靖元年輩襲輩卒貢生輜襲輜卒治安襲二十六年
羽季子繼恩襲四十二年羽仲子輜襲無嗣族人爭襲不定萬
曆二十三年朝議改水德江長官司為安化縣司除天啟元年
張講以水西安邦彥叛督運有功閣部王題授土縣丞萬曆三
十七年一正襲清順治十六年一正子試襲康熙二十六年鼎
亨襲六十年天壁襲雍正十二年承位襲乾隆十四年玉白襲
四十年世襲襲以後無聞
土主簿 原水德江副長官

元楊昌沮山西太原人至正二年金頭和尚通南蠻叛湖廣行
中書省調昌沮昌沂兄弟統兵征剽平服斬獲功多授昌沮左
捲簾使昌沂右捲簾使子大忠大定四年錄父功授武毅將軍
思南道宣慰司都元帥府副使明洪武七年授世榮承直郎榕
溪梳子坪長官司隨沐英征雲南有功二十五年授判海宣慰
司辦事長官永樂十八年改水德江副長官宣德三年圭襲草
子坪苗變奉委征剽嘉靖七年彬襲四十三年敷襲萬曆二年
美襲十年宗程襲賊周天星叛奉委征剽二十年一龍襲二十
三年改水德江司治為安化縣以副長官為土主簿四十六年
臣忠襲宗禎十一年天植襲清改授文職康熙二十七年懋德

襲雍正二年世正襲乾隆二十七年泰運襲嘉慶五年府貢生
燦襲繼後縣廩生先春襲道光二十三年全忠襲光緒十二年
全忠卒職停

土巡檢

明陸公問江西金谿青田里人為象山先生九世孫洪武七年
隨宣慰司田仁智征討偏刀水覃韓苗獠有功保授偏刀水長
官司守把軍關世其職嗣改為土巡檢十九年傳襲宣德二年
概襲天順二年爵襲正德二年世昌襲嘉靖三十一年炳襲萬
曆三十六年位中襲清改授文職康熙九年聚春襲四十年元
勳襲雍正十二年作昌襲乾隆十二年宏基襲二十九年明德

德江縣志

卷二

官師

十六德江啟明石印局印

襲三十六年宗崇襲嘉慶六年承烈襲道光四年組綬襲咸豐
四年卒子德全應襲值紅白統亂未果後經貴州巡撫蔣蔚遠
奏請承襲已奉部准德全隨從李方伯元度征剿賊巢銅鼓營
有功保陞五品銜因從征受風濕於光緒八年請假回家終子
恩忠襲清末職停

民國紀元履任縣長

有祭其愷

石所生員張維炯元平越生員

吳昌濟

湖南蔭生

代理 聶延祐

青陽翰林

梁鴻藻

廣東新會進士

劉

洪濤

湖南寶慶

代理 程榮九

青陽

代理 符兆瑞

湖南鳳凰

生員 鄧英

奇瀟

潭州貢生

代理 伍震

青陽

代理 郭建猷

青陽

在任六月

代理 楊緝熙

天柱

代理 李維城

雲南

代理 月餘

代理 郭建猷

在任六月

代理 楊緝熙

代理 楊緝熙

附記自十二年四月起至十四年二月止

王元藩 興仁廩生十四年代理 蔡用休 江西十五年代理 蕭毓松 右河十八年代理

戴鴻道 青陽十九年代理 吳劍侯 盤縣二十年代理 趙麟 貴陽二十一年代理 張廣良

共表二十 錢文蔚 清鎮二十年代理 李英翔 遵義二十一年代理 黃寶華 貴陽二十二年代理

趙連福 江蘇二十年代理 張禮綱 江蘇江陰二十年代理

右自民元起至三十年止凡二十有五行事可知者

三人

張維炯 字文齋富有膽識不畏強禦到任平哥匪靖鄉團駐

軍之亂秩序以安學校無款日分糧錢接濟自始至終不受

苞苴解組之日行李蕭然

德江縣志 卷二 官師 十七 德江啟明右印局印

伍震 字晉三先是衙役相沿惡習勒索案規訟民含冤積

累 公至定訟費里費稟警以送茶殿最為差案無留贖鄰

縣之民爭欲質成任事三年罰款分明學務振興賭風滅絕

錢文蔚 字隱南下車之日宣誓不受一枉法錢秉心始終如

一旦待眾以寬訓士以勞禦侮以勇措嫉惡太嚴不避權勢

被要人誣陷卸任後滯德九月卒以無實得免言旋時士民

捐助旅費攝影贈行極一時之感

按府志修於清道光二十一年 縣名宜嗣後政績可紀者

均蒐集編入不敢溢亦不敢略紀實也現任例不開入以

俟定論

司法處民國二十七年獨立

判長 有劉安遵義二十六年到 牧文農安徽蕪湖三十一年六月到

縣黨部民國二十四年成立

書記長 有杜元濱石所二十四年到 王若愚本城二十八年到 陸君秀松桃二十九年到

李亞新印江三十年到 戴正明黃平三十年到

衛生所民國二十八年成立三十一年改為衛生院

所長 有王玉書江蘇二十八年到 林作柄思南二十九年到

初級中學民國二十九年成立

校長 有祁振亞江蘇鹽城二十九年到

清光緒三十年廢兩學設勸學所 總董 有吳恩慶邑增生 民

德江縣志 卷二 官師 十八 德江啟明石印局印

國因之八年改勸學所總董名所長 有黎民怡邑恩貢 十六年

更名教育局長 有梅應炤邑康貢 張鍾愈邑人貴陽省立師範學校畢業 二十

六年裁局設科併於縣府第三科

德江縣志

人物志第六

按府志明萬曆二十三年始除水德江司為安化縣清康熙三十二年巡撫田雯題請始設學額是德江之設縣設學均較他縣最後然彼時之撤魏科登顯官者為司為縣籍已著明今本志一以府志為準凡水德司人如田秋張諸先輩例得次第載入並忠義節孝分類志之使後世足徵焉

進士 明正德甲戌一人田秋庚午舉人授延平河間府推官

祀鄉賢

嘉靖戊戌一人教宗慶甲午舉人官行人都察院右副御史巡撫雲南從祀鄉賢

德江縣志

卷二

人物

十九

德江政明石印局印

庚戌一人張守宗府長史祀鄉賢

萬曆丙戌一人蕭重望封府祥符縣行取雲南道監察御史祀鄉賢

癸丑一人田仰以祀鄉賢

乙未一人楊廷詔兩禮部主事應吏部郎中陞湖廣驛道副使祀鄉賢

廣驛道副使祀鄉賢

崇禎丁丑一人孫順庚午舉人官浙江吉安知州行取兵部浙江司員外郎陞本司郎中

舉人 宣德壬子一人勾天祿府通志作天祥

天順壬午一人王紀

成化辛卯一人田宗顯水知縣彭

宏治壬子一人田毅官雲南府

嘉靖壬午一人李廷嘉州府通判甲午田時中秋李渭左雲南

貴鄉田時雍安知湖廣遠庚子田時龍子秋張慶辰水知縣彭張逢

辰亭知縣鹽癸卯羅國賢知湖廣通判江張欽辰縣陞梧州府通

判丙午李紹元燕湖縣鄒孟哲國州知州李資元元知河南濟

酉李調元旌德縣楊宗朱通判祀鄉賢壬子安守魯袁州府

同羅廷賢同知祀鄉賢乙卯李占初為知縣辛酉羅繡藻

陞都察院經歷甲子張治方寧府同知郭宗蔭知四川隣水縣

萬歷丙子張守剛知府祀鄉賢乙卯羅明貴陞雲南蒙自知縣

祀鄉張軻安府通判教淳理府同知張汝翼陞雲南昆明知縣

壬午田助國陞四川丹稜知縣教諭李廷謙陞國子監助教陞副

德江縣志 卷二 人物 二十 德江啟明石印石印

鄉賢羅萬言知河南武陟戊子田貢國河南直隸廣平縣教諭陞

弟羅萬品知湖廣宜丁酉田報國第助國庚子張文星川保

寧府知徐可大章知湖廣宜癸卯冉峯義府同知教應徵城知縣淳

子黃榜昌知縣隆乙酉張理司長官源第三子戊午冉學洙奎

天啟丁卯教時杰彭再祖洸府同知張繼曾知廣西梧州府

羅瑗崇禎癸酉田殷國乙卯冉學滙官中書舍壬午徐心

箴按察使司副使雲南乙酉吳儲璫劉之鸞伍之瑩羅

珣蕭其澤知府重望孫甲午張悅曾慶州知州覃吉甫

拔貢萬歷楊廷詔前鄭安民史祀鄉賢趙文星沙知縣長商

朝揖衛教諭陰旭學著有續易應蒙集

進士 清雍正丁未郭石渠轉江蘇舉人翰林院檢討 嘉慶戊辰

徐步雲翰林院庶吉士官 道光丙戌秦琮寧州知縣 辛丑王銘

鼎丁酉舉人官廣東龍川知州 同治辛未劉世德己巳舉人欽

光緒丙子劉世昌縣武功榆林等縣知縣 癸未黃樹勳舉人

官四川鹽大使鄂縣知縣

舉人 順治庚子徐鳳翔中式 康熙癸卯田茂紹官四川彭水

知縣 徐枝榮 熊飛熊 丙午張鼎臣 乙酉蕭嗣昌重慶知縣

知縣 壬子田祖仰孫官平遠州學正平原府教 甲子施澤遠

子田祁 己卯施智澤遠子 辛卯陳天錦自是安化始有學額

治甲午承祖烈 丁酉田之駟官知縣 庚子曹士振 張大塘湖

德江縣志 卷二 人物 二十一 德江啟明石印局印

南沅江 雍正癸卯恩科李廷真 乾隆丙辰郭啟泰石渠子官

知縣 郭石亮 壬申張明威 癸酉冉元士曾孫 戊寅曹一貫官

知縣 西豐城 己卯邵世發官桐梓 壬午張邦林官廣順 丁

酉蕭明程 蘇聯芳 丙午符克閣官晉安熱河道義府教授

戊申李芬官湖北建始知縣 壬子張啟賢 甲寅田璠辦事司嘉慶戊

午龔繼成 庚申蕭璽重望孫著 辛酉蕭瑄知縣著有十笏齋

詩 甲子陸燦 道光乙酉周覺智 壬辰劉鳳翔 丁酉吳觀

樂 官修文教諭咸同之亂肅衣冠殉 乙酉劉懷憲 劉懷讓憲

第主講秀山思南 咸豐乙未馮鼎元 同治庚午黃象吉官餘

書院二十餘年 癸酉黃真風 徐人鑑 光緒己卯蕭鎮東官陝

諭銅仁開州 等處教授

南宜川張秉煊官湖南東乙酉黎景煊官直隸園場知事旋里

等知縣吳恩普乙丑蕭旭東鎮東官水城辛卯陳文燾

癸巳陳文彬文燾弟安以雅丁酉林櫻枏庚子辛丑併科林

鞭枏櫻枏兄張澤深再深源癸卯徐家駒官江蘇太倉州檢

李瑞圖察廳推事

副榜自康熙三十一年有學額始乙酉余必夔官浙江桐壬子羅啟裕丁

卯鄭聖生戊子黃仁漸嘉慶庚午田朝初道光壬辰田

恒豐同治庚午蕭旭東正榜己丑登光緒己卯王振綱乙酉黎

啟安辛卯饒大經庚子辛丑併科羅雲錦官湖北施南府

張澤潤四川候補楊光愷廣西試用

德江縣志 卷二 人物 二十二 德江啟刊石印局印

拔貢 康熙丁卯張鯤 雍正癸卯柴正榮 乙酉蕭蘭芳涪

譚教 乙卯袁宏元 乾隆辛酉劉悅曾 吳璽 癸酉冉元士

本科 乙酉覃玉光 丁酉蕭啟穰官貴定教諭 乙酉朱理官龍

諭 嘉慶辛酉黃通理 癸酉張錫爵官貴定 道光乙酉吳祥

璘 丁酉蕭錫桂璘子官普定教諭咸豐四年辦 乙酉黎光

前官湖南望覃方仁思南學官貴陽大定等府教授陞山西

同治癸酉黎同安官遵義教授 光緒乙酉周兆熊 宣統己

酉何春澤 曠鎮元 王裕清思南 王萬傑石

優貢 光緒丙子廖師閩官貴筑水城荔波等

恩貢 康熙李漢 張騰淳 雍正黎文煊 乾隆楊正世

周治 寇天秩官畢節 李俊 熊應麟 陳彥儒 陳序紀

嘉慶匡佩 劉璉 邵鐸 道光楊維屏 陸鵬飛 咸豐黃

濟香 黎敏德 同治王定謨 光緒黎化南 袁人傑 王

仁育 彭世儀 宣統黎民怡湖南試用 直州判 戴揚休

歲貢 康熙何信美 徐棻 教豫 呂璜 劉燦 牟奇瑄

黎最 蘇羽軾 彭昌鳴 楊秀豐 黃法坤 張念祖 雍

正周益 周樞 周應熊 劉懋猷 張士奎 勾學明 黃

正坤 施坤厚 黎文釗 乾隆梅贊揚 李聖明 王廷下

吳宗釗 李雲 王畧 安行悅 譙仁榮 廖開榜 李正

希 劉廷元 卓希賢 李枝楹 聶青錢 朱鼎 劉濤

德江縣志 卷二 人物 二十三 德江啟明石印局印

周錫疇官龍里 文士焯 郝達堯官仁懷 呂定 冉鋐 劉光

祖 黎文江官廣順 劉珩官畢節 田種玉 文清 嘉慶汪德

玉 張子銘官天柱 羅文彬 蕭鳳翔 吳雙 胡斌 蕭芷

臺 陳廷翰 張書紳 覃廷斌官麻哈 覃登榜 李逢春

王定謨 道光田健玉 吳國楷 高昭明 王俊德 周益

智 周廷智 黃文忠 吳民安 郭毓葵 羅明敏 符鍾

沂學與年 張維孝舉人澤深祖館印江觀音寺六十年 趙鍾琪

辦無徵者 張國棟邑中名士如柳宗芳等多出其門 黎枚 黎大璋 傅良賢官

陳亡祀志烈 李燦雲官四川 陳星煥官 黃琮 陳

寶光生平尊崇王學著有 楊煦林 安炳陽官黎平 同治黃裳

吉 張祥雲 王普安 米善 許利賓 覃榮仁官導節 李

燦堃 田慶膏官安順 教授 光緒宋光昌 安修桂 安逢原 陳

利川 陳星輝 陳尹東 李炳 鄧秉鈞 楊芳林 張光

輝印江 冉崇善 戴綬榮 徐榮光 邵景亮 張光照 王

世培 王鳳崗 周朝雅 王澤沛 李光遠 梅信秀 曠

清聖 曠鳴聖 文人傑 宣統張錦雲 李玉堂 陳鑿珍

牟嘉禾著有五 劉道芳官省漢 田慶心 吳恩階 梅應昭

廖學海 黎節安 田成勳 田立達 周學先 傅汝霖

留學日本吳恩慶增生日本宏文 孫如磐肄業日本中央大學

孫奇處縣長現調甘肅 田州特種消費局局長

德江縣志 卷二 人物 二四一 德江啟明石印局印

陸軍大學張恩英生員陸軍工兵科畢業 應任 梅煦春應任上

長陽陸軍局長 陸軍中學羅運鈞應任中校副官上校參謀長 樊德潤應任

陸軍中學羅運鈞應任中校副官上校參謀長 樊德潤應任

南明中學後改省立 梅應馨 鄭萬章 郎斗餘 王英俊

李長珍 沈明恩 張谷成 牟才高 李清白應任本縣第一

科長現任銅 梓縣軍法官

省立優級師範劉仁沛任貴州教 覃夢松任貴州財

省立貴陽師範黎世宣雲南航空學校畢業 張鍾愈應任本

兩縣第何用卿應任本縣督學 曹獻瓊 牟伯陶 牟

三松

嗣翔 王文彬 張仲瑜

省立遵義師範牟嗣賢 省立女子師範龍耀瑜張谷成之妻

官立法政趙惠連 王珏 羅尚彬 趙金蘭 王大權 梅

應渠 任印江護商所長 孫如鼎 張鍾權 王榮香

講武學校孫如桂 任暨南大學 黎範臣 任四川軍部職升王鎮

戎 任國軍師部中校副團長二 羅會安 任上校參謀長團長

任國軍少校營長十五年 在湖北施南剿神匪陣亡

崇武學校楊光宣 吳景魯 先仲齊 吳景唐

農業中學梅天休 任本縣建設局長及技士

職業中學楊全勝

德江縣志 卷二 人物 二十五 德江啟明石印局印

鄉賢明田穀 性方嚴精易學以名孝廉授雲南新津令

田秋 字汝力號西麓以名進士官歷給事建白最多以疏

李渭 字澗之號同野幼年父中憲富以毋不敬思無邪勗之渭

至滇左參政所著根本錄山中盜易緝心盜難聞者悚息仕

卷萬歷十七年學憲任公讓及台使趙公文大儒治規共數十

教宗慶 字汝成號梅坡嘉靖戊戌進士歷官滇撫當典遵化時

民墾田壑河導水灌溉民得粒食撫滇時鐵鎖箐亂指授方

再宗孔 任洛陽縣令操守廉潔歸

羅廷賢 訓弟成名歷官州牧屢著循至孝

郭宗蔭

少讀書一室有幾婦夜奔正色拒之司錄卅州捐俸周

蕭重望

仕有異政擢御史四奉代巡多所條奏請設偏院巡撫

金都

御史卒於官御賜棺殮馳驛歸葬至今都門有西台四

李廷謙

涓子官真定教諭

楊廷詔

以名進士知龍溪縣使歸客取皆以教閱邑官四川

田仰

字百源任汝上縣歲浸重使歸客取皆以教閱邑官四川

張繼曾

字天啟丁卯舉人清順治五年授戶部主政遷廣西梧

郭石渠

字文淵雍正進士前由庶吉士授翰林院檢討改禮部主政

照色

字四流奏六事報可其奏請豁免田之糧一相疏在

通監

不御史在京置櫻桃街住宅距貴州中會館數武後

德江縣志

卷二

人物

二十六 德江教明石印局印

張大塘

署湖北興寧縣後沅江縣有惠政得

徐步雲

字漢卿由翰林院庶吉士散館外用選湖北建始縣訓

王銘鼎

字恭三道光時欽點即用知縣簽分廣東初任龍川縣

之稱

陸信州知州凡所至有循聲性嗜詩者有俚草偶存集

蕭瑄

號玉初嘉慶時以名孝廉官江西新城縣有德聲解組歸

劉懷讓

號三和書院修思南松桃志著有十為齋詩集

用尋

思南知府胡林翼許請即選知縣讓咸以父老終養解

張維孝

號順菴歲貢家貧館穀六十年教諸生辨論古今聞者

卓方仁

號近堂道光己酉拔貢孝友性成清廉自矢官貴陽大

節訓

導後陞山西守憲知州到任十月卒於官著有訓士

條規

梔秀與詩集

劉沛若 號是頭人清道光間由係崇官河工道積庫銀數萬未給

武學額 名共十三歲科兩試各一十二名至是奏准以此項銀兩報捐文

蔡同安 軍功膺保薦以知縣用官遵義教授十三年迎封翁爽

元公到任事養盡禮代副齊撫女長成遣嫁主講道義仁懷

書院門下補弟子員登賢書者甚多年四二卒於官歸櫬之

日士民數百人悲歌 舉人考取景山宮官學教習任滿以

蔡景煊 知縣用官直隸西圍場知事政成訟理三年丁內艱歸

費州長伍公軍政府委娶川知縣不就民三選省議員民八歸

理志即其所編後至身東總理府任參議生精研小學著

有說文引緒 陳寶光 號正軒歲首讀書手不釋卷人呼為韞書生咸豐世變

能為宗館教四川百秀地方十餘年生平尊王學以闡發良知

其遺稿大加批賞顏其楮曰卓然如矩 徐家駒 號伯龍光緒丁酉拔貢癸卯舉人官江蘇太倉檢察推

任財政廳長 古為趙爾巽嚴修諸鉅公所特識著述甚夥未梓

忠烈清有訓導孔廣燮守備陳士蛟把總趙以成舉人金世瑞

軍功陳新元張慶祺程清 咸豐七年效和團何觀益以教匪倡

日殉難事聞同 吳觀樂 勝舉人官修文城家論咸豐時二強盜何德

祀府縣昭忠祠 不允罵賊而死事聞卹贈世襲雲騎尉祀省縣昭忠祠

黎民依生員卹辦團剿白號列難潮砥昭忠閣 梅國山 武生咸

胡黑二反印江知縣鄧藻香至大堡平胡亂國山辦團請帶兵

隨行鄧志在撫不允行至分水了畫節國山聞耗往救胡獲

敵屍運還厚殮親送印城道經潮砥 鄭朝榮 知縣鄧藻香刺

濟朝榮捐米百餘石助之及鄭盡節胡朝榮捐米事搜 吳弼

德江縣志 卷二 人物 二十七 德江啟明石印局印

卿貢生胡黑二亂黨控吳至胡勸吳歸順不從命索用肥齒釘

烈女明陳謨妻王氏 謨邑庠流賊肆掠為所執以及脅氏氏大

馬之驄妻徐氏 賊攻洞急氏自度不免遂縊而死小漢千口洞中

教孫謀妻張氏 廣文張是女生子甫二歲張先壁亂執氏欲犯

單吉甫妻陰氏 及并適單氏姑何氏盡孝張先壁擁

免賊化往出尋兩姑已死何息未張一崩廬生妻李氏張

急脫衣襦覆之度賊復來遂繼林下死張一崩廬生妻李氏張

先壁之亂利嘗射擄男女張一新貢生妻田氏 遭流寇亂母女

被劫母死恐受辱投崖死 張一新貢生妻田氏 遭流寇亂母女

清再國輔妻張氏 吳三桂兵潰氏逃竄洞中被搜度必 邵堯章

妻陳氏 吳三桂潰兵擄氏去被 楊昌裕妻劉氏 年十九為偽兵

德江縣志 卷二 人物 二十八 德江啟明石印局印

咸豐時陳正邦妻謝氏 容填人年二十適正邦鄰人黃啟明附

而殺之先入陳宅逼氏為婦氏嘯 黃家琪黃烈女 時武生與辦

然始言更衣同行入室引剪自盡 黃家琪黃烈女 時武生與辦

王慈惠以逆聞於官自亦為棄撫他事實之女遂當死叔以

始王王及殺其叔是時女年及笄慟欲絕備棺以殮上訴於府

大吏訴屢入無效究不白無何手空乏在旅舍為人傷冀獲肯

圖報主人聞其未字私勸之及父仇未報辭再三言女許諾

為報婚於關外贖某已而適夫家兩月求夫踐前言給貲具狀

夫有父母不允自縊為 而適夫家兩月求夫踐前言給貲具狀

人所給押鬱自縊死 而適夫家兩月求夫踐前言給貲具狀

夫劉時黃毓損妻張氏 苗茶溪人年二十適毓損十三年兵匪

通匪軍后吉昌擁大隊至夫弟不敵避入出水洞后軍

潛掘洞入執氏至山頂迫繳槍氏給賊釋縛跳崖死

節婦明唐旌典者有張國仕妻李氏 年十五夫亡誓不再醮守節

坊旌 田維勤妻徐氏 夫亡無子刻目自誓斷帶茹素 田慶嘉妻

楊氏 慶嘉朗溪司長官早卒氏年二十五守節 田報國妻楊氏 夫死無子氏年二十三歲卒院道上其事詔賜旌獎 張希旦妻冉氏 夫死無子氏年二十四歷節四十餘年 親舊戚罕能見面有司上其事當道表之 李蔚妻安氏 夫死俱登邑 蔚早卒家 文煥俱登邑 蔚早卒家 志不嫁撫孤 李蔚妻安氏 甚貧氏矢 終身卒受旌

清膺旌典者乾隆時有陳宣妻張氏 年二十八宣亡大爵妻羅 氏 生二子大爵復亡張與羅媳共撫二孤張年七十二守節四 十年 羅年五十六守節三十二年 里人共白其事一門雙 旌 曹建章妻賀氏 遊擊賀長吉女年十八適建章六載夫亡三 又瑒復絕食繼念翁姑無依乃強理家事及翁姑連歿 葬祭之資皆氏紡績所致恩節三十六年十一月旌 譚應棟 庠生妻張氏 年二十六夫亡翁姑垂老盡孝盡禮及歿悲傷喪 張承位土縣丞妻李氏 年二十四夫亡守節三十六年 成立歷節三十年 二十九 德江啟明石印局印

德江縣志 卷二 人物 二十九 德江啟明石印局印

李機妻王氏 年二十四夫亡撫子黃楚材妻周氏 年二十二夫 家貧氏勤紡績以詩書訓子季子通理 邑拔貢生歷節四十一 年 六十年旌

嘉慶時吳一仁妻劉氏 拔貢悅曾次女年二十二夫亡氏紡績 生歷節四十 年 世湛妻羅氏 妻張氏 世湛歿羅年二十八張年 年七 年旌 田世湛妻羅氏 妻張氏 世湛歿羅年二十八張年 姑老家貧羅張針黹奉養撫子立程成立教 楊再國繼妻何氏 年二十二夫亡姑八十患足疾晨興夜寢氏負以行姑歿產 年二十二夫亡姑八十患足疾晨興夜寢氏負以行姑歿產 營其前妻子正亨方四歲延師教讀脫簪珥奉脩俸正亨為邑 諸生歷節三十 年 黃一元妻蒲氏 年二十四夫亡守節四十七年二 八年 十年旌 永安入邑 庠守節四十七年二 年 旌

道光時周禮恭妻甯氏 年二十七夫亡守節奉翁姑課子 權妻盛氏 年二十八夫歿於水氏撫子大瑤入邑 旌 饒琳妻徐 孫枚孫獻均邑廩生歷節四十年 三年旌

年二十七夫亡翁岳白氏紡績黎文泗繼妻張氏年十四適
年夫歿守節節撫前妻子宏樓宏楨己生 劉瑀妻祁氏年二十一
子宏幹宏楨宏幹均入邑庠八年旌 懷乾為太學生歷節 蕭佐
五十一為太學生歷節 陳元妻呂氏歷五十四年旌 年氏守節
妻王氏年二十三夫歿遺一子發育二歲氏奉翁姑撫孤子家
力學成名長孫璽次孫瑄皆舉人三孫略 節婦有潛德而未膺
為邑諸生歷節五十年旌 年二十旌 節婦有潛德而未膺
旌典者吳克榮妻楊氏年十九適克榮甫六月克榮娶楊氏年
二十八興乾又歿生子四姑媳同撫育長佐卿次奎歲貢三輔
卿廩生四兩卿歲貢舉人觀樂選貢祥墀歲貢廉生觀成
皆曾孫氏病危孀媳楊氏道光十七年觀樂中解元房官施秉
割股啖姑奇愈年八十旌 知縣程枚分簾時夜夢三女各持盤一枚中朱書割股救親四
字後揭曉觀樂適出其門為作掄元預兆行 帶十七載余以簿

德江縣志 卷二 人物 三十 德江啟明石印局印

書才方倪絃歌宰上臺飛羽機追取棘闌待秋風傲裝來傲硯
塵莫改琴劍共一擔卷快擬淵海珊瑚網欲翹材沆瀣心常在堂
事凜功令宵分人亦靜星斗淡簷前莊生飄蝶影相黑甜何
安樂華胥境忽見三女來素衣暇以整圖光月凌空朱書何
獎割股孝其親大筆真麟炳感此傷我懷涕泣如瓊瑰至性固
相感骨肉良可哀鮑家曾有妹貞淑遇君亦無以表厥材對
孝克備大雷書莫訊名德久沉埋自愧為一人燈青晨起述我
此淚盈襟豈知虛幻形俄然遽覺早樓上一元燈割股其先
僚友咸歎且信或謂奇可傳或謂先微元揭曉卜云吉書史籤
型余亦篤且信或謂奇可傳或謂先微元揭曉卜云吉書史籤
唱名門下果第一延陵世胄華賓化家聲溢重九菊黃載贊
入門揖細訪閣閣家節孝實堪誇宏農曾大母藐孤蔚國華佳
兒得佳婦嗣徽婉詩葩爰以姪從姑考敬已無瑕二豎忽遺孀
中情摯倍加龍禁雖無方一腕能愈痼兩代貞與孝松筠高節
操兩代貞與孝芝蘭滿學枝掄元乃篤矢一第何足報松筠高節
曲江如飛馬與孝芝蘭滿學枝掄元乃篤矢一第何足報松筠高節
復詳搜小傳師韓柳后言上揚拜蠅頭元禮奎妻何氏年二十
曲譽遠標名生其念公意顯揚拜蠅頭元禮奎妻何氏年二十
子祥堃成名歷 祥墀妻李氏年二十五祥墀歿撫子作梅成立
節四十四年

成豐時慈炳南康生妻朱氏年二十五夫歿無子立志守節
 七年從聲有敢犯者手刃之適母族鳴謝也氏晝夜啼號以
 堂兄之子茂松為嗣與翁中分其產應節二十一年後茂松入
 而所都岸陳情請葬年佑弼妻張氏年八十適年夫善病值成
 九年建坊於舖子塋年依弼妻張氏年八十適年夫善病值成
 壽樂費氏數股以救年二十八夫歿教子敬
 瑞山武弁升滇南游擊守節三十八夫歿教子敬
 光緒時張時傑妻任氏年二十九夫歿守節撫子登瀛入武庫
 蔡郁妻蕭氏事兩世湯藥親嘗二十八夫歿病者相繼歿喪葬
 以禮撫子女成立守節黎裕妻張氏年二十八夫歿病者相繼歿喪葬
 二十一年十七年旌黎裕妻張氏年二十八夫歿病者相繼歿喪葬
 檢點醫藥飲食三十年如一日撫黎玲妻王氏年二十九夫歿
 子成立長孫咸安入泮歷節五十八年黎玲妻王氏年二十九夫歿
 翁姑同壽八十餘黎民思妻安氏年二十五夫歿孤親身教子庶安歲
 歲守節三十二年黎民思妻安氏年二十五夫歿孤親身教子庶安歲
 貢守節四黎宏楹妻呂氏年二十八夫歿家貧紡織達黎大周
 十七年黎宏楹妻呂氏年二十八夫歿家貧紡織達黎大周

德江縣志 卷二 人物 三十一 德江啟明石印局印

妻宋氏年二十七夫歿貧無立錫撫孤成立黎大林妻張氏年
 十八夫歿撫子死復撫黎江妻張氏夫歿遺子周歲教養黎大
 兩孫成立歷節三十三年黎江妻張氏夫歿遺子周歲教養黎大
 椿妻袁氏年二十一夫歿守節四十黎武妻劉氏年二十八夫
 成立足不出戶人罕黎聰妻張氏年二十二夫歿撫子
 見面守節十九年黎聰妻張氏年二十二夫歿撫子
 妻張氏年二十一夫歿遺子一子一女弟又強遺一子值咸同世
 年黎禮妻何氏年二十一夫歿遺子一子一女弟又強遺一子值咸同世
 氏年二十一夫歿撫子一子一女弟又強遺一子值咸同世
 四世同堂守黎舒安覃氏年二十五夫歿世亂流離黎民昌繼
 節六十年黎舒安覃氏年二十五夫歿世亂流離黎民昌繼
 妻蕭氏年十九夫歿青年寡鵠守節六十年黎民昌繼
 妻蕭氏年十九夫歿青年寡鵠守節六十年黎民昌繼
 七年同旌 米善妻黃氏年二十適黃五年夫歿值白中亂流

年十八張貞女以祖德女幼以字高氏咸豐丁巳世亂高一家
姪幼事撫需人遂天志不字撫姪成立孝廉後登雲為請旌女
年六十平登雲之孫丙照存康集族捐資建坊并頭填通衢
蕭汝和康生妻徐氏年二十五夫歿教子煥東榮東食饒煥東
潘炳全成名氏年八十除安太裕妻張氏應漢武舉七十五歲卒
年二十四王正生妻田氏年二十歲夫歿撫子子死後撫張鍾玖
妻黎氏年二十七夫歿氏撫子終英八邑庠畢業張厚菴妻周
氏選拔同吾女少將汝顯姑母年二十二夫歿撫子子繼兄子鍾
二年旌小漢河年敬修妻陳氏年二十師範守節四十二年宣統
東豎有節孝碑年敬修妻陳氏年二十師範守節四十二年宣統
節祖姑下撫三子成立守節
四十二年子陳情請二年旌
其未膺旌典而為輜軒所表揚者陳緒妻楊氏教子光煥童年

德江縣志 卷二 人物 三十一 德江啟明石印局印

遊洋值貓山亂邑候汪麗金北辦國務氏勛之曰忠孝不能
兩全勤勞王事即孝也後光煥毀家紓難助官軍卒平亂守節
五十六年學憲章顯嚴全道妻任氏幼氏候諸難眠熟織必通
宵教子蓋臣成名守節五十年譚有清妻周氏年二十八有清
撫任書堂文煥後書堂由武職升都司文煥食饒秋潭文岸妻
饒守節四十年學憲葉顯其門曰冰霜勵節
任氏年二十七歲豐己未秋潭赴秋聞病故旅次氏典釵鈿歸
四年學憲顧其梅應魁妻周氏年二十五夫歿遺一子八歲死
門曰胡節外新梅應魁妻周氏年二十五夫歿遺一子八歲死
素潛心養性不出戶者四十年縣
長劉洪濟作序表之碑建大龍阡

以上所載膺旌表者六十餘人其餘應列者百餘人因未經
請題不錄懼私也

孝子梅玉清城外瓦窰頭人性至孝循循儒者母趙氏年九十
餘玉清亦年進七十母每日卧起玉清必親扶持

農夕侍膳諸洗濯皆身任之恩親見爾語曰吾育爾幼爾事吾老不
爾今日猶及爾爾復之恩親見爾語曰吾育爾幼爾事吾老不
子德之善事爾子玉清事之終身其後母
生九之善事爾子玉清事之終身其後母

徐燦南 漢年八十四歿 燦南才年六十繼娶張氏生燦南弟
度心奉母飲食必親奉出入必親扶膝下依老而愈篤母八
十幾時燦南年五十五餘歲燦南親扶膝下依老而愈篤母八
子有弟燦南年五十五餘歲燦南親扶膝下依老而愈篤母八

氣質時身公正不俯仰隨人然地方有大
黎琳字玉聲潮人父安仁邑庫琳性孝友明達多才六歲失
叔心先是不能讀叔建勳命同標商琳年十三隻身留蜀大稱
營獨不假支持用解叔愛琳肥一珩字琛南勤學得羸疾琳經

安選振官銅仁遵義教放安副榜次民整承繼兄嗣孫景愷
百選振官銅仁遵義教放安副榜次民整承繼兄嗣孫景愷
百選振官銅仁遵義教放安副榜次民整承繼兄嗣孫景愷

德江縣志 卷二 人物 三十三 德江故州石印局印

舉人景山官教習直隸知縣官園場知事三民思早喪遺孫庚
安首生以孫同安貴贈文林郎
義士安整道河為恩德印派往來通商久夏水漲時阻行旅舊

道合望橋望四子無子橋成連生二子榮繼志慕修橋始告竣願
日合望橋望四子無子橋成連生二子榮繼志慕修橋始告竣願

名士郭琦字師竹燕茶橋人幼聰穎及長以詩畫為樂善之報云
名士郭琦字師竹燕茶橋人幼聰穎及長以詩畫為樂善之報云

一為名公野不喜富貴遊兩粵之與倡和無虛日粵制及古玩物
一為名公野不喜富貴遊兩粵之與倡和無虛日粵制及古玩物

南府教授王鶴二部詩六草二冊攜白三絕畫詩數千百里之聞皆
南府教授王鶴二部詩六草二冊攜白三絕畫詩數千百里之聞皆

留陳迹一
後再見斯
人為老病
死悼惜不
已云
十二年而

德江縣志卷三

志亂第七

清道光之季朝政叢脞民怨沸騰太平軍興於粵西以種族平等相號召游民羶屯蟻附響應日眾不數年而下全州圍長沙岳州失而武漢隨之九江陷而安慶繼之長江以下之城池勢如破竹南京淪胥北京震動黔僻處西南民苗雜處清廷不加重視大吏不知拊循綠營之窳敗久在人民心目中風聲所播楊龍喜起事於桐梓矣楊保元發難於獨山矣八寨下江則有羅光明余正紀矣上游則神回並起下游則苗教交訐思南遠處黔東北隅安化又

德江縣志

卷三 志亂

一

德江啟明石印局印

思南附郭今之德江即前之安化人民之遭受繁苛慘毒鋌而走險自不能逃其例外自徐廷梅濟鼎濟擁眾戕官銅仁隨陷印江與思南而安化同受其殃及劉儀順祖之據江家寨致和圍之起旋家垵再破思南安化尤不能倖免同時胡黑二亦以燈花教惑眾倡亂於縣屬之乾溪盤踞大堡即今德江縣治也僭號威福無主義與方法一意破壞良懦者逃避四方桀驁者附和景從今治之淪於匪巢者十二年人民生命之喪亡財產之損失不知凡幾文獻凋零元氣大傷全屬無一乾淨土誠安化設縣以來空前未有之大劫矣雖有楊德友李興國等集團抵禦此來彼去

勝負無常卒無救於地方之糜爛嗣經清廷命李元度席寶田輩率湘軍以搗荆竹園唐炯率川軍以攻偏刀水朱王就禽劉儀順伏法脅從者咸知自懼亟謀擒渠魁以自贖至同治戊辰地方始告肅清迄今痛定思痛猶覺不寒而慄爰畧其始末曰志亂

咸豐五年卯十一月銅仁紅號徐廷杰梅濟鼎等率黨臨思南府安化縣城安化與府同城知府福奎游擊富隆阿知

縣吳雲煦通府學教授張鴻奎外委姜仲奎死之

先是銅仁年徵丁糧不照定章胥吏挾官親舞弊苛征官不之禁人民苦之足年知府葛景萊廷舉人戴世勳入幕徵淺征糧新章於舉人徐廷杰梅濟鼎徐梅遂督率五洞花戶執械赴府照向章納糧秩序大亂為景萊中傷身死

德江縣志

卷三

志亂

二

德江啟明石印局印

六年丙正月知府福奎札舉人饒以曾拔貢蕭錫桂等率團練復城大破紅號於邵家橋敵奔桶口紅號首領梅濟鼎中毆死徐廷杰逸府縣官復入城 二月蕭錫桂生員汪匯川郝鳳儀等奉知縣吳雲煦札率鄉團禦紅號於板橋三人陣亡團隊死者四百餘人

七年丁正月紅號餘黨朱元龍奉幼童吳三同名肥竄縣

屬牛渡灘拔貢覃方仁武生文安邦等率鄉團圍攻之獲三同解省伏誅 七月縣屬平頂填土匪羅應儒結黨胡黑二大小白滿田母狗等踞魚泉溝洞作亂知府福奎知縣吳雲煦調兵圍擊之敗於蒲竹溪凌把總陣亡兵圍死

者百餘人應儒性特情素好結黨要盟紅號隔思南乘機帶兵率鄉團進緝應儒黑商至思南起訴福奎派凌把總劫其營遂決計作亂十一月知府福奎檄練統馮德

元率練勇並扎人和團楊德友等圍羅應儒於魚泉溝應儒入洞固守德友以火攻破之檻應儒至府正法胡黑二

逸歸乾溪大小白滿逸官州 十二月府屬江家寨致和團首領何觀益勾旋家填燈花教起事以白巾裹首稱白

號率黨襲思南城練目趙奎聲內應以火啟之城陷知府福奎經歷鍾策勳安化縣學訓導孔廣燮守備陳士蛟把

總趙以成舉人金世瑞軍功彭新元張慶祺程清同盡節居民溺水死者三千餘人署安化知縣張致祠典史壽其

德江縣志

卷三

志亂

三 德江啟明石印局印

仁游擊富珠隆阿把總李仕熊張鳳翔遁初四川涪州人

教黨羽白鬚過腹人以老祖呼之因崇川史索之亟逃入黔至何觀益家傳燈花教其法以糯米粉為佛像內實

黃豆以水浸之燈蕊先浸以藥令黨徒拜之燈結花如樓台貫珠愈拜愈大人以為神入教者益眾切柔遠團廉得

三百戶皆田姓全入教因教匪與觀益密切柔遠團廉得以告知府福奎飭差役會緝觀益見事亟與田教首等暨

白旗於英武溪稱白號又使人至城結趙全聲為內應初五日觀益率黨千餘攻城趙全聲以火啟之城陷白號之

亂始初七日石阡知府黃培杰遣守備王士秀等率兵援思南至塘頭獲趙全聲殺之教首何觀益至江家寨與劉儀順合分黨四掠時四川北鎮總兵蔣玉龍補授貴州提督奉巡撫蔣爵遠檄帶兵剿辦思南白號進駐偏刀水

土巡地覺林寺石阡千總潘忠友等敗白號於鳳凰山屬安化

印江知縣鄧玲筠敗白號於官莊屯袁家壩等處敵竄潮
砥銅仁知府周夔奉檄辦思南軍務會鄧玲筠於潮砥擊
白號於仁洞大敗之白號乘夔之在潮砥也復襲思南城
大掠而去鄧玲筠自仁洞毀上下塔坪砦堡進攻旋家壩
白號焚其寨斬首五十餘級

八年秋二月縣屬乾溪濟安團胡黑二名勝踞梅林寺作
亂黑二入燈花教奉劉儀順為教主其黨羅應儒正法畏
及乙遂以黃巾裹首稱黃號踞梅林寺豎旗作亂安化
黃號始此二十四日逕趨大堡廩生田作頌守馬蹄溪敵卒至
作頌遇害署思南知府周獻廷檄印江知縣鄧玲筠進剿
鄧自潮砥渡江次牛渡灘調人和團楊德友截乾溪自率

德江縣志

卷三

志亂

四

德江啟明石印局印

兵攻大堡胡黑二聞鄧至急回梅林寺鄧至大堡愛餉不
足沙琪鄭朝榮自願捐米百餘石助之 三月鄧率兵擊
胡黑二夜宿分水了敵夜襲營鄧盡節十一日大堡武生
梅國山聞耗率團勇往救敗敵獲鄧屍還厚殮親送印江
歸經潮砥敵使人狙擊沒於河十五日胡黑二復至大堡
踞黃家壩小壩等處十八日殺鄭朝榮全家三十餘口聞
也末事朝榮一子逃免二十二日敵西南畧煎茶溪蔓延二
百餘里團衆多響應時白號逸至日頭巖黃號亦至板平
塘東瓜溪黃白號遂相結合 四月胡黑二隔婺川城知
縣阮文藻千總劉榮昌挈眷避興義寨圍首覃元貞家自

羅應儒敗。大小白滿逸官州。未幾復踞平頂塢。練統馮德元久攻不下。知府周獻廷檄楊德友往攻。五十餘日始克。大小白滿遁桐梓之螺螄。大小白滿再姓人混呼大小板板十月胡黑二陷興義寨。執阮文藻劉榮昌等幽於梅林寺。十一月二十四日楊德友潛結乾溪民馮金龍等內應。襲破梅林寺。戮胡黑二妻孥。救出文藻榮昌等。時黑二在黃連平未歸。

九年紀正月。思南府周遣團攻胡家平。胡黑二由婺川退回乾溪。時縣屬斑鳩洞牛渡灘合朋皆敵。思南經歷汪應濤攻敵敗回。二月胡黑二走踞長安塢。周獻廷進軍攻之。三月黑二踞大堡木葉水等處。依白號楊德友擊之。六月楊德友破河西安家

德江縣志

卷三

志亂

五 德江啟明石印局印

渡敵。八月松桃貓貓山白號郎官等竄至縣東二區刀塢場來安營等處。安化知縣扎文生陳光煥等禦之。又檄府經歷汪應濤往剿。汪以兵少。沿途招募壯丁。至來安營。卒遇敵擊敗之。追至苦竹塢。王把總陣亡。時敵教首李八癩子自銅仁觀音山敗回。十五日率黨來攻八大陣圍營。陳光煥遣團勇等陣斬之。九月周獻廷攻木葉水長安塢不下。復遣楊德友圍大堡。毀鷹嘴巖黑面巖敵營。敵走隘細沙溪。王作霖圍黃君澤率勇千人援。敗敵黃家塢。十一月黑二仍回乾溪。

十年中。二月署提督田興恕奉旨督辦全省軍務。自湖南鎮守統虎威軍進至銅仁。署思南知府徐河清請援。三月安化知縣

汪麗金防黃家山。棧子平敵。敵遂出潮砥袁家坨。逼黃家山。汪退保江村。閏三月。湘軍副將沈宏富游擊熊煥章等攻棧子平。敵拒戰。都司毛良貴陣亡。諸軍奪隘齊進。破斬敵首張宗學等。會省城戒嚴。田興恕調沈熊同赴貴陽。棧子平仍由敵踞。河西合朋一帶告急。署安化知縣張致相遣團首軍功安奪標馳擊。至鹿井溪戰歿。四月二十二日。胡黑二擾煎茶溪。團紳黃應貴至馬鹿巖禦敵。團勇樊大樊二樊三率團丁力戰。自辰至申。力竭陣亡。胡亦回大堡。五月十一日。黑二繞道至煎茶。結白號縱火猛攻。團潰。應貴僅二孫從。敵招降不從。罵賊被殺。六月。貓貓山白號陳選發等竄安化東三區平洞口。擾亂忠義團。團首楊

正月禦敵遭禽。不屈死。團丁同死者百餘人。十餘寨盡燬。九月。白號張宗品擾牛渡灘。圍首文朝秀結高阡團首安應光協力破敵。敵退旋家坨。十月。知府徐河清久與河東平頂山敵相持。遣武生張鳳颺等攻河西長安坨。敵不下。敵轉犯婺川豐樂橋。十一月。徐河清增募練二千。合舊練八千餘人。十五日攻破平頂山。禽斬敵首羅匡明等。乘勝連破蕉溪凉水井。旋會印江練攻大寺頂。結降敵章老八為內應。十七日破之。並下思南北七十里香爐山敵營。河東略清。

十一年。醉三月。牛渡灘白號竄覃家坨。逼府縣城。署知府莫超宗檄諸軍分防大小巖關。敵大至。軍將不支。熊煥章馳援始解。

是月城頭蓋敵旋由文家店南渡入踞荆竹園。白號入荆竹園始此熊煥章圖進剿。四月荆竹園敵走踞塘頭。田興恕趣熊煥章亟下之。六月胡黑二至平頭蓋。八月徐河清遣楊德友攻破平頭蓋。黑二遁回梅林寺。十月徐河清自泉口司擊敵歸道經梅林寺。遣楊德友攻破之。黑二奔大堡。德友跟追。連攻下黑鉛溪蒲口堤敵營。十一月荆竹園敵出龍場。潰月亮巖。熊煥章軍盡毀附郭村寨。敵至石阡府城。

同治元年壬戌正月。塘頭敵竄思南。逼府縣城。熊煥章馳援。同游擊李騰蛟等卻之。四月參將金太文自思南移軍剿塘頭敵。二十九日攻破塘頭。分軍駐之。五月初二日。金太文從總兵

德江縣志

卷三

志亂

七

德江啟明石印局印

吳宏盛剿小屯大堤場敵。七月吳宏盛攻安全屯受傷祈援。金太文自小屯接攻。送宏盛思南就醫。八月金太文擊破安全屯敵。是月牛渡灘敵結荆竹園敵掠平頂堤。百餘里皆敵蹤。楊德友連營拒之。署思南知府章樹勳檄安化印江勸捐糧給軍。十月金太文訶鳳凰山敵乏食。遣都司傅得勝鄧第武等邀敗之。十八日得勝由山後攀巖抵敵壕。中礮死。第武由前攻入。敵竄大小屯。十一月荆竹園敵走援大小屯。仍踞塘頭。太文宏盛合兵拒之。初三日總兵吳宏盛追敵至土地塘。中伏陣亡。

二年癸亥正月。荆竹園敵以大小屯被攻。使人結清江苗。頭裏青中稱青

號同擾思南。初七日，苗由荆竹園下塘頭孫家坵竄天生橋堯都等處，圍營盡破。惟青山頂張應祥之營未失。苗旋據小屯。二月，苗攻饒家坵大小巖關，思南府急。劉義方率軍出磨溪巖進援。十二日，苗破磨溪巖，直下潮砥小溪。小溪圍首五品軍功張慶棟率團禦戰，歿。慶棟兄慶松往救，亦亡。團民死者二百餘人。苗復踞小屯。三月，署貴東道徐河清檄團紳黎占魁率團克復小屯。苗踞袁家壩。九月，胡黑二結荆竹園白號至金竹坨黑鉛溪一帶擾李興國營。十月，敵以徐河清下沿河，多踞絲林大格坨一帶擾亂。署安化知縣蕭丕基游擊譚堯華等進剿，連戰皆捷。貴州巡撫張亮基檄朱占元督辦思南軍務。

三年甲子正月，紅號伍雲召包茅仙結荆竹園白號，合清江苗出旺場擾銅江。苗至印江，分道竄縣屬之東二區天堂哨刀坵來安營，旋至東三區平洞口等處。沿途二百里屋宇盡燬。苗仍回袁家壩。二月，學憲黎培敬考試沿河司。徐河清檄特保參將楊德友率團保考。黎學憲考八屆，駐節半年。從容舉試。八月，荆竹園敵由葵川之石柱坨敗走安化新井坵。徐河清遣各團禦之。十一月，馬腦山白號李麻三等竄縣西杉原，烏旗隊圍首年文熙年敬璋等拒之。敵大敗，走葵川。

四年丑正月，團首黎占魁克復袁家壩。苗奔萬壽壩。三月，黃號胡黑二擾煎茶溪。解家渡文生解騰芳、竹園文生梅祖林合

團衆截黑二。後黑二歸。盡燬兩寨。騰芳祖林戰歿。四月。敵久
踞長安。黑鉛溪。圍首李興國奉札攻敵。不克還。六月。胡黑
二。陷牧羊嶺。八聖田。圍營。圍首張全。死之。達近同死百餘人。
全紫營八聖田。計劃周密。居民多依賴。敵數年屢攻不下。本月
敵率大隊結白旗圍攻之。營中同死百餘人。
五年。丙清廷以思安久遣黃白號亂。簡浙江按察使李元度自
湖南率貴字四營來援剿。六月。李元度率總兵王建章由銅
仁出印江大堤。場何家寨攻大小壘。荆竹關敵來援。元度建章
分敗之。七月。大壘敵首伍永富小壘敵首張洪權來降。八
月。李元度移營三刀水。以敵固守不出。恃河西白號給糧自固。
河西敵亦恃為屏蔽。至是以記名提督邊曉堂率知縣彭維翰

鄧第武等西渡。先剿河西。而自率圍首都司黎占魁擊羅家場。
麻團溪等處。敵首覃德徵以所據十二營來降。惟江家寨覃家
寨抗不降。半渡灘敵時又分黨西援。李元度遣副將鍾輔朝出
潮砥。同圍首安天仁等進剿。不利。仍還潮砥。十月。李元度使
湘軍攻河西江家寨。寨旁有柳頂羅二頂大小尖峰諸寨。總名
老團。白號首何觀益與子繼述踞之。寨前大頂絕險。記名提督
彭芝亮遣鄧第武選百人聯繩扳葛上。擲火焚敵房。敵亂潰。觀
益父子退芋頭灣。十一月。李元度檄水師李寶坤由桶口進
雲山寺牽敵援。遣鄧第武等襲破羅二頂。遂克芋頭灣大小尖
山。諸寨皆下。禽斬白號何繼述子鳴鳳。繼述父子遁覃家寨不

納復走龍盤溪。餘寨或剿或降。惟偏刀水覃家寨嚴科營即縣南杉樹堡之寨營大堡牛渡灘猶拒守。

七年戊辰正月。湘軍統領席寶田由湘來援。會李元度攻破黃號。荆竹園老巢。分下羅家山七寨。判官頭二十餘寨。復破覃家寨。白號劉儀順何繼述覃憲憲二走偏刀水。地近覺林寺。偽朱王月明據之。月明本姓張名保山。火燒舟人以罪流外赦。回據覺林寺與劉儀順並起為白號首領。時李元度屯偏刀水。欲攻東南北敵。慮西路覺林寺及水涯子龍鳳諸敵營遙擾。因與援黔川軍統領蹇閣會合。閣因遣千總李元隆等率練軍分進。元隆以席寶田所招之江外降人聶定邦招龍鳳松烟六敵營降。

德江縣志

卷三

志亂

十 德江啟明石印局印

三月初一日。聶定邦等進擊覺林寺。敵乞降。未月明潰圍南走。定邦邀禽之龍鳳寨。送李元度營伏誅。是月援黔川軍四川候補知府唐炯以總兵劉鶴齡自綦江先進。沿途收撫四十餘寨。十二日同抵偏刀水。四月初二日。川湘軍會攻偏刀水。湘軍未集。不利卻回。初四日。劉鶴齡及陝西候補知府張玉文候選縣丞于德楷再進力擊敗之。初六日。偽帥王廷芳降。唐炯再檄參軍吳洪貴等合湘軍擊下敵觀音營。敵門戶既失。和檄總兵成耀星副將熊英豪等易剿為防。駐軍黃土坝。於是欄杆子學堂平十餘寨。敵先後乞降。復營逼走龍蓋。擊下敵嚴科營。時李元度遣軍擊牛渡灘大堡等處敵。見席寶田唐炯擊白號將

成功。急使人誘濟安黃號首領何永華來降。旋導湘軍襲破大堡小壘。禽胡黑二王。茂蘭田修武諸敵首送李營伏誅。其黨覃光明文朝秀等所帶二十餘營尚盤踞牛渡灘一帶。元度遣圍首廩生劉端書招撫。光明等投誠。胡黑二以濟安圍叛十二年。至此伏誅。安化黃號平。閏四月。川湘軍急攻偏刀水。敵外援已絕。唐炯密遣間誘偽王向成高降。成高為內應。敵內亂。無守志。初五日。鶴齡督川湘軍分道攻入。禽信王田應武。黔陽王何繼述。元帥何興儒。何喜發。軍師老教主王禮廷。李長俊等殺之。降其黨七八千人。皆免死。雜髮分遣回籍。收成高等入鶴齡營。思南白號平。六月。炯軍直抵玉華山。敵愈蹙。偽文定王陳紹

虞執殺人王王起凡降。二十八日破巖門關。老教主劉儀順及覃惠惠二間道走。炯亟令降人劉俊民等追至楊保河。執之以獻。解儀順至成都殺之。黃白號皆平。李元度平荆竹園詩仗鉞。征鞍始知黔地荆巢險。更比青天蜀道難。肉薄幸將孤壘掃。血痕猶漬萬山寒。摩巖困乏燕然筆。惟祝哀鴻早莫安。

民國匪患至三十年止

二年癸丑四月，印江田巴二率匪三百餘人，搶縣東潮砥。

五年，丙辰南二區區長張光普，迭報周漢臣夥匪多人，騷擾寬平一帶。縣長鄧英奇先後兩次督率警團親往擊潰，並獲周漢臣等正法。

十二年癸亥元月二十五日辰刻，巨匪匡吉五張谷口夥匪千餘人分道撲城。縣長楊緝熙令居民暫避。匪踞城一日，洗擄財物，並拘良民十餘人到川索金贖取。四月，滇軍任營附長普伯菴連長率兵來城駐防學校。楊縣長回署。八月九日拂曉，警報張谷口招集游匪來城提滇軍槍。普連長集合出城接戰，寡不

德江縣志

卷三

志亂

十二 德江啟明石印局印

敵眾。普連長及士兵陣亡七名，餘兵退守學校。匪環攻三日不克，始散。滇軍尋下沿河。越半月，滇軍復來，索命價數千元。拉城紳四人到煎茶取償。十月，滇軍團長李維城來縣代理縣長。招安匪徒任明忠充營長。先是明忠在鄉拉肥勒人，民買槍入夥，擄槍頗多。十一月，九梯團姜文華派營長周興廉來德，擊任明忠。明忠敗走。李縣長適。十二月，八縱隊長徐朝光司令來城，隨帶支隊長陳君謨等駐防。復招安任明忠為營長。姜幕中一編修代理縣長。月終，徐赴婺川，派陳支隊長留守德城。陳縱兵蹂躪，折壞學校民房亦多。計殺任明忠，提取槍支。

十三年甲子三月，支隊長龔倫率招安匪軍楊生來城駐防。自代

理縣長。四月，姜文華親臨德城。五月，龔解職。姜安乾仁代理縣長。楊生率隊往縣西安家寨駐紮。六月，姜文華督隊出川。楊生返城，黃夜率隊赴煎茶提川軍槍。時熊克武由川敗出，道經煎茶留兵一營。越日，川軍曾團長大隊來城反攻。楊生敗走沿河。川軍駐城委鳳泉陳光祖代理縣長。八月，曾團開拔後，王榮恩綽號木匠、毛桐權兩縱隊長帶二千餘人駐城。十月二十日，兩隊開往印江。二十六日，楊生來城將陳縣長城卸吳積金團防總理吳百朋經費局長吳觀之拘獄。十一月，思南孫澤鴻代理縣長。十四年丑二月，遵義何為鎔代理縣長。王臣部團長胡文華駐防德城。六月，興仁王元藩奉省委來德代理縣長。七月，胡

德江縣志

卷三

志亂

十三

德江啟明石印局印

團開拔。營長鄭作霖駐防。由部下拉肥，非刑如淋沸水烙紅。搃四鄉立窮多家。九月，熊弼代理縣長。

十五年丙寅正月，鄭永焜代理縣長。四月，周源稷谷司令命營長勾國鈞等駐德。五月，陳原代理縣長。六月，營長侯之珽奉

省長周西成令來德駐防。八月，沈正冠代理縣長。九月，蔡

用休代理縣長。自此地方稍靖。匪勢漸消。煎茶貢生廖百川有

慘澹黯黔中。滿目瘡痍處處同。兵匪三年千里亂，鄉鄰十室

九家空。憂民憂世頭驚白。爭地爭城血染紅。卻怪李桃無識，春來猶自笑東風。

十六年卯小匪盛。公安局長趙時文巡捕勤室始清。

十七年戊戌林團長周仁溥營長率兵一營駐德。

十八年己元月十三日。巨匪饒老抓率匪數百來德。前敵已抵杜家宅。城北五里時周漸營長已帶兵往合朋。警報到城。公安局長黃禮先督隊前往禦之。正鏖戰間。周營長適至。補助衝鋒。擊退饒匪。四月。周省長凶耗至。四十三軍委印江黃大金代理縣長。委彭營長率兵駐防。蔡休縣長聞信。先做裝往西區遠避。尋出川。八月。穆瀛洲協饒老抓率領匪軍神兵千餘人來德。駐紮秩序極亂。製棕繩數百副。十三日。車師長鳴大兵猝至。分頭擊潰。委徵收局長周德儒代理縣長。十一月。沿河蕭毓松奉省委代理縣長。

十九年庚三月。潰軍營長吳鑑先率百餘人蜂擁入署。提團防

槍環逼內堂索大費。蕭縣長亟命教榮堂交涉。去洋三百元。六月初七日。營長周占元率匪軍數百來城。縣長及居民聞風先避。占元命兵遍搜洋油曬蓆分暨沿街舖戶。準備放火。教榮堂見勢駭極。出與接洽。去洋七百元。兩次洋俱榮堂向天主堂借出代墊後由舖戶籌還二十二年癸元月十九夜。思南杜光華領帶數百匪軍抵城南馬鹿巖。縣長張廣良聞警。率團隊退上大屏山。光華至盤踞城中。分擄近村。縣長調集鄉團於二十二夜。鷄鳴時分道進攻。團眾未經訓練。路隔半里。殺聲大震。匪類潛伏。團眾過街。闖無一匪。正惶遽間。匪伺準槍射。立斃數人。羣眾奔潰。事後匪鳴鑼偽呼團隊早餐。鄉民蟻聚。立斫人頭七顆。眾始驚逃。二十三日已

刻匪類出發。四街縱火。由場口燒至坨街。餘幸撲滅。八月石梁堤曾昭貴夥集匪黨在欄杆偏岩等處團局提槍。至寬平一帶招聚土匪多人轉家。宣言來城駐紮。教榮堂奉令督團往攻。匪類敗潰。昭貴尋出川招安蔣師長不部任營長。帶兵數百來德。強據學校。尋教榮堂為仇。看管索槍。未幾神兵四起。連日攻學校俱被傷亡潰退。匪開門跟追痛擊。燒燬民房數家。

二十三年甲何團長應張司令承率軍數百。駐城數月。縱兵四掠鄉村。二三十里不安。

二十四年乙縣東長堡一帶略受紅軍滋擾。縣長錢文蔚親往沿江籌防。未得蔓延。

二十五年丙七月。駐軍連長龍鳴率隊叛變。搶劫縣署。擄傷縣長錢文蔚。拘商民一人同往遠遁。勒金取贖。九月。旅長吳紹華率潰兵數百到城破監卡。錢縣長先日赴西區調團準備截擊。吳不得逞以去。

二十七年戊六月。一區三聯保保長黨佑綱別名保內人民冉茂清杜顯全等往牛渡灘場賣米。與行戶口角起衅。投鳴聯保主任文明庠。未能解決。復訴之縣府。不得直。冉杜兩姓即糾聚全眾逕往牛渡灘殺斃文明庠。打碎區公所。行為不法。縣長黃寶華當即呈報。尋有保安直屬大隊之黃中隊長禮率隊來縣緝禍首平定。

二十八年卯四月縣府科長陸震羣黃小筠區長吳濟民等先往西區廟頭一帶禁煙未能澈底二次率警兵數十人復往嚴禁駐紮學校廟頭保長何承禮率眾乘夜圍攻陸震羣黃小筠吳濟民同時傷亡並軍士十有餘名事後何承禮聚眾紮營負隅自固縣長趙連福呈報省方任命劉伯龍師長率兵來縣前往廟頭破營殺戮首禍尋緝獲何承禮正法平息。

呈明不應改撥插花文 宣統三年 舉人黎景燧邑人

為也。非插斡不應改撥事。敬呈者近奉

明諭。以印江縣具稟省自治籌辦處。稱安化屬之潮砥小溪等處。業派委紳查勘。應隸印江。並請委員會勘立碑。等因。聞命之下。不勝駭異。竊惟辦理插花。原為便於治理起見。縣屬自治公所前奉轉行

撫憲札示。辦理插花。只辦甌脫。並有章程。分別插花為甌脫。犬牙。華離。三項。其文云。甌脫者。甲縣之地脫入乙縣。塊然中處。儼

若無官管轄。故不得不辦。犬牙者。兩屬交錯之地。互有參差。卻一氣貫注。自應按之山水。形勝定界。非同割肉切瓜。可以齊齊整整。切勿輕議更張。華離者。由甲縣插入乙縣。如瓜蔓一線。懸至數百里外。遠者可撥。近者則不必撥。是三者剴切詳明。仰見上憲辦理插花之意。亦可知甌脫而外。不應輕議改撥也。潮砥東至關口場。西至安化縣治。南至小河溝。北至白葉坨。廣袤二百餘里。聯成一片。均是安化地面。而德江貫注於其中。雖東與印地接壤。係因山為界。山以下地皆安屬。非犬牙。非甌脫。亦非華離也。此不應改撥者一。或謂劃撥插花。當計道里遠近。如甲縣之地。距甲縣甚遠。距乙縣甚近。則宜撥入乙縣。潮砥距印江

縣治六十餘里。距安化縣治五十餘里。無甚遠甚近之別。此不應改撥者二。或謂兩屬交錯之地。必按山川形勝以分界限。若印江縣無險可憑。則潮砥撥歸印江。亦事所應辦。但潮砥東行二十餘里至關口場。安印分界。即在此處。鳥道崎嶇。峯巒複雜。迤南迤北。其山皆壁立數十仞。綿延數十里。宛有一夫當關。萬夫莫開之勢。不得謂印江無險可守也。此不應改撥者三。自來通商口岸。易藏奸宄。邊界地面。常多匪人。此天下所略同也。潮砥為通商小口岸。匪類往來。向難盤詰。所幸者。四圍皆同縣之地。同縣之人。易於聯絡。故盜賊不敢橫行。如撥歸印江。必據德江為界。以江西屬安。江東屬印。如是。則潮砥適當邊界。凡盜賊

竊發過印。即莫敢誰何。其患伊於胡底。印江縣縱能嚴究。而此等被竄。不易見功。亦非印江縣尊之所利。且四川邊岸之鹽運。行貴州下游五府。以潮砥為咽喉地。盜賊不靖。鹽商不敢前行。非僅人民有沒食之憂。即四川協濟貴州之款。將不可恃。此又貴州官紳所宜慮及者。雖謂召募兵勇。可以彈壓盜賊。而糜費餉項。何如不應贖之為善乎。此不應改撥者四。又小溪何家溝安家巖。係潮砥中零星地石。相去數里。或數十里不等。前任曾府憲原案。擬將該處撥入印江。實係調查之誤。緣小溪等處。毗連印地。其水道以龍門峽口分界。陸道以山上山下分界。本係天然險阻。而該地自成片段。與安屬三面連接。不同甌脫華離。

且南接潮砥。北接新灘。為安屬江邊扼中之地。若撥歸印江。則地勢從中截斷。使安屬下游一帶。反成甌脫也。查宣統二年六月奉轉行。撫憲批示云。曾前守議撥地內。如有錯誤之處。亦准查明更正。遵此。則誤撥之小溪安家巖何家溝。即應更正。而與潮砥一律無庸撥出也。印江縣謀佔膏腴。捏詞上達。而謂潮砥等處。已派安紳查勘。應隸印江。不知勘者何人。擬為何地。如謂潮砥為甌脫。為犬牙。為華離。則形勢皆不相合。如以巧言曲說。聳動上聞。則貴州四十有餘州縣。照此辦理。非甌脫而以為甌脫。非華離而以為華離。陽借改撥插花之名。陰圖割據膏腴之實。此爭彼奪。支節橫生。將有撥不勝撥者。抑恐非 各大憲

辦理插花。只辨甌脫之至意。某等食毛踐土。無論隸安隸印。莫非子民。本不應妄參末議。但章程不合。輿情不甘。只得縷陳一切。除另稟府憲外。所有潮砥小溪等處。不應改撥情形。理合繪圖貼說。據實呈明。伏乞

查核轉詳。並更正前案。或請委員會勘施行。沾感無暨矣。

邑侯陳訥齋先生去思紀畧

翰林徐步雲邑人

邑侯之蒞思王也。歲在庚子春。越辛丑春。王月奉調首邑。將治裝以行。士民不忍其去。又力不能留。殊惘惘也。金筑為黔首邑。舉全黔縣三十餘。不乏瑋瑋佼佼賢令尹。而大憲獨以屬之侯。侯蒞思王。為思王慶。蒞金筑。領袖同寅。本其澤民之畧。為同寅

樹風聲。且為金縣慶。思王烏得私侯哉。惟士民眷戀之忱。要不能嘿而息爾。侯筮仕江右。補萬載。懋著賢聲。乞養歸。赴都就銓。天子以黔僻在西南。地磽瘠。邊氓望慈。父母孔殷。如侯者。必能宣德意。以子惠元元也。特揀發來黔。慰邊氓望。侯至省垣。謁各大憲。各大憲早名久。接見後。詢以民生利弊。洞若觀火。乃深悉侯賢。未十日。即擢權婺州。婺巖邑。地與蜀隣。最為要劇。侯恢恢有廉幹才。勝愉快。庭無不舉之事。民無不達之情。屢念婺民貧苦。設紡織局。以課女紅。俾士民收內助力。比大憲臚以入告。

天子嘉之。又為之建及幼堂。以活幼穉。修城垣。以固封守。設義學。以教寒賤。婺民欣欣然歌來暮焉。期年。婺大治。會思王濬川

邑侯因調去任。大憲以侯繼之。時森園郡伯雅器重侯。得侯倚之。如左右手。侯感郡伯知。又公事有所稟承。綱舉目張。治理畢具。勤五聽。享五辭。識斷詳慎。務得其情。獄以不枉。緝吸食洋煙者。坐之法。廉各墟市之無賴生事者。置之理。熙攘樂業。民氣大和。署中自儉。從以逮胥徒。咸奉法惟謹。設紡織局。籲郡伯捐廉以為之倡。踵其法。如治婺時。貧民得以資生。秋大熟。重念吾民鮮蓋藏也。首捐廉三百金。購穀以儲義倉。更募殷實戶。量力捐輸。以期集事。於是城中設義倉者二。積穀二千餘石。鄉市設義倉者十有三。各積穀數百石。自時厥後。遇小旱。澇可無饑饉憂。

又以邑言是堂書院修俸薄。生重無膏火資。士之誦習者寥寥。乃申撥某寺紅腐之穀。分其一以助。言是堂膏火。分其一以建。煎茶漢義學。又為及幼堂撥款生息。使貧孩得就食貧。夫此數事者。皆我士民久遠計。其利百年。其教百年。上之人一轉移馬。食報遂至無窮。侯以前未有是舉也。凡厥庶民。可以樂成。難與圖始。侯毅然倡始。卒潰於成。是其遺澤在民。又不僅召公之棠已也。惟侯平心靜氣。從容奏績。使恩王陰受其福。而利溥於不意。侯之繫思於安邑者。詎有涯涘耶。顧侯蒞安期年耳。侯以名所製文帖。括家奉為圭臬。令其設施。又彰彰若是。我士我民。辦香而俎豆之。亦固其所。惟蒞任未久。士民惓惓之情。卒不能釋。是

則言之不能自己者矣。侯行矣。治安一載。即永安民數世之思。能更循吏。侯實兼之。葵園隣封。安則吾桑梓。向後隆隆。以升其造福於黔也。何限。獨喜吾邑之被德為獨先也。侯接人恂恂若書生。持法平允。毫無假借。介而和。寬而有制。衣服飲食。蕭然寒素。獨於我士民愛樂與共。好樂與偕。詩云。豈弟君子。民之父母。於侯治。竊信之。於侯治安。尤信之。上臺悉其居心行政。急擢之。以為黔令尹倡。有以也。

節錄府志記壬申歲夏末小旱縣令蔡發糶常平先期一日男婦來城候糶無力覓寓老幼相枕於道逮開糶時章程不善竟有徒手歸者顛連目擊不知涕之何從今幸邑侯陳訥

齊倡捐義倉。城中積穀至京石三千有零。遇有小歉可以無患。所冀奉行之士。提出一片婆心。妥為經理。期於民有實濟。現成功德無量無邊。勝造阿育天王八萬四千寶塔。

民國二十四年夏淫雨。各處溪流暴漲。漂沒田疇無算。上馬鹿巖一帶地方。受害尤烈。

疏通麻王洞碑記

貢生梅應焯 邑人

縣城南十里有貴人關。上為溢地。兩山偪仄。溪流不能壅沛。宣洩。往往滯蓄為民患。故新場板橋溝之水。當夏秋之交。山洪暴漲。奔騰澎湃。溝澮皆盈。僅恃大消坑為尾閘。民田時虞淹沒。卒無有策及安全。別謀宣洩者。乙亥夏淫雨為災。水潦大至。橫流

汎濫。上自高家壩。下至馬鹿巖。十數里間。潄為澤國。田土咸受水淫積。月餘始消。凡禾黍菽薯之屬。腐敗無遺。數十頃淪為赤地。男婦奔號。呼籲無術。俟水退盡。新犁種收。蓬勃暢茂。可望豐收。詎季秋九月。陰雨綿延。月餘未霽。復遭淹壞。洵百年來未有之浩劫矣。縣長錢公隱南關懷民瘼。親臨履勘。目不忍觀。除呈報災情及設法賑濟外。周咨羣衆。力求洩水之方。父老進言謂百年前斯地。麻王洞能洩水。故患少。先輩誤聽術者言。因物塞閉。積年污壑。遂失故道。錢公大喜。力任籌款。疏鑿。自去冬開始。召集民工。計日發資。排除積壤。漸得洞竅。督工益亟。於是爬之。梳之。抉之。剔之。初發見穴。僅可容人。進愈深。穴愈大。去其沙石。

宣其壅滯。迄丙子季春。越五閱月。績用告成。適春水大至。暢流無阻。民踴躍歡慶。咸稱錢公之賜。是用伐石鐫詞。以垂不朽。董是役者。技士梅天休。農會幹事董運書也。因順人民之請。此筆而為之記。

清光緒七年辛巳五月十三夜地大震。二十三日淫雨。是年旱。大饑。貴陽糧道儲道臺格立來縣辦賑。

光緒二十五年庚辰城中雨被回祿。是年旱。大饑。餓莩載途。二十六年辛巳仍大饑。邑侯陳景范請得賑款。並募捐得銀三千數百兩。命典史白璋城紳劉校書李永才赴湖南麻陽地方購米來縣平糶。

德江縣志

卷三

雜記

二十三

德江啟明石印局印

民國九年庚申歲饑。縣長伍震親赴四鄉查倉穀。支配富戶分場運米來城壓市。

民國十五年丙寅歲饑。

民國二十五年丙子四月城中地震數秒鐘。

附大事記

民國二十六年丁丑七七事變。先是日兵在宛平縣城外演習。突此督隊用武器在蘆溝橋大肆擄掠。由此激成事變。開戰端。以迄於今。

民國三十年十二月中英俄美同盟對日宣戰。里人孫幼安有戰禍全球。陸地海洋一片秋。禍起軸心。甘贖武。歌賡民。主正同仇。六洲萬國無中立。鐵馬金戈有自由。籟蕩乾坤。今扭轉漢唐功業。看重修。鼙鼓。震五洋。東瀛通寇。尚鴟張。野心妄欲吞全亞。夢想猶思霸列強。師老無功。占物極。兵驕必敗。自天亡。屍灰不復歸三島。海南何堪更陸梁。五首錄二。

縣志創修於民國八年。

縣長伍任

黎景煊先生甫編地理。尋赴省議

會。續修於二十五年。

縣長錢任

梅應焯劉道芳廖學海黎仁安黎咸

安諸先生稿本雖具。散未成帙。良由舊訂志目繁多。入館者靡

所依據。閱時費日無補也。三十年冬。縣長張公禮網毅然踵而

修之。以舊稿太繁。且多潦草。亟命王君少陔籌備。集張君鴻勳

何君用卿張君鍾愈楊君光澤董君紹舒金君幼琦楊君超華

開會討論經費時期各問題。參酌印江縣志。刪繁就簡。期以成

功。是役也。又德江修志以來之一特舉也。然如同人等之淺見

寡聞。何敢仔肩斯任。竊維志者。識已事也。事與史異。例與史同。

時處今日。文獻無徵久矣。於此而欲蒐集已往之典故。供目前

德江縣志

卷三

二十四

德江啟明石印局印

之紀載。匪惟上下數百年間之事實不可深求。即徵之數十年間。而亦不能多得。其道何從。奉命以來。夙夜憂懼。設重蹈故轍。功敗垂成。鮮不為識者非笑。爰參政府志。鈎稽舊稿。而刪之存之。審其可增入者。增之。毫不參以私見。約去者。十之六七。存者。十之二三。增入則不過十之一。凡為篇六補遺二篇。於山水關梁風俗物產藝文諸要目。均一一散見錯綜於篇。非僅為是簡單而已矣。凡三閱月。而歲事。雖然是篇之成。皆稟承於縣長之明訓。而尤得於諸君子之贊成。同人等實妄附於編纂之列也。邑多君子。幸改正焉。編者識。